

敬業堂詩集

冊十



敬業堂詩集卷四十三目錄

齒會集

元旦大雪

過詩友錢木菴虞山故居

上元雨中獨登虎丘二首

晦日招潘竹村祝良仲叶離兄弟小

飲

臺心菜

雪中玉蘭花盛開

春分前連日雪

春社

種芭蕉二絕句

清明日西阡焚黃感賦二律

亡室柩前焚黃再作一首

喜晴

燕來巢

客自會城來傳老友翁蘿軒龔蘅圃之意垂訊近狀口占報之

去秋手栽海棠一本春不作花而德尹潤木兩家此花最盛戲作一絕寄

之

三月二日偶遊硤石精舍

上巳與子姪輩飲西園海棠花下

西林庵浴

曉過鴛湖

葆光居賞牡丹兼示祝良仲賓季爾

田兄弟五首

三月晦日僧楊晚研陳梅溪赴座主

大宗伯許公之招流連三日敬賦五言古體詩一章用志盛事兼訂後

期

從東山大悲閣步上南山道院

過惠力僧房訪葛友峯

題西山快哉樓

碧雲寺

信庵貽我湘竹筆几

座主許公別後寄示七律二章敘連日山游之樂再次來韻

自西阡步登龍山小憩妙果寺成鏡軒

村家四月詞十首

寄徐觀卿庶常四首

副相揆公惠寄人參一斤賦謝

德聞姪以先京兆公加贈嘉議大

夫誥命一軸見示敬題於後

余舊蓄古鏡一枚形正方背有飛魚

二鱗蠶生動周遭一百八十乳水銀徧裹上著血皴朱砂斑不知何代

物也偶閱元裕之集馬雲漢家方鏡背有飛魚與此形模正合元有七

律一首載集中疑卽馬氏故物而今爲我有喜續一篇紀之

蟻鬪

兒建補官北上兼寄德尹潤木

梅雨將至曝衣庭下睹舊賜紗葛袍感賦

禾郡試院古柏曾濟蒼繪圖索詩卽次原韻

德尹陞侍講却寄

生日示兒孫

夜枕喜雨

庭前蜀葵十二韻

日本繡毬花

盆池荷葉

家童以梅水滌硯既申諭之復詮次成篇當僮約一則

雨乍晴

觀插秧二十四韻

梅雨初霽

船趕風歌

鷹毛扇

庭前新設日棚

雨後納涼

六月廿二夜熱不能寐五更起步庭

下徘徊到曉

沈松年觸暑見過爲余寫行藥圖小

照贈之以詩

偶得鸛雛畜之階下旬日馴擾如家

禽

苦旱

立秋後四日得雨喜疊前韻

雨後遣興

重至西湖雜感六首

龔蘅圃屬題田居圖圖爲王石谷所

畫三首

到湖上不及訪諦輝禪師而歸寄詩

代柬

題章豈績觀碁圖

從姊丁節母八十壽令子修遠來乞詩

西園早桂八月始花偶拈二絕句

季方兄招同聲延兄會三芝田兩弟

於西林菴爲同宗五老會席間喜賦時甲午中秋前三日

中秋兩集拙宜園賦呈宗伯座主晚研前輩二首

十七日陪遊秦駐山得詩六首

食新米

由葑門至牧瀆舟中喜晴

重過鄧尉大司寇徐公墓與公子觀

卿話舊二首

五雲洞

午飯東山庵

晚入聖恩寺瞻漢月禪師塔與古庵

老衲茶話

重陽日由鄧尉坐鼠船沿太湖濱抵

漁洋灣登法華嶺與觀卿拈韻各賦五章

重陽後十日曾三弟招集西林菴是日微雨杲山法師不期而至

立冬後二日座主宗伯公偕晚研梅溪枉過村居次日移榻妙果山房再

遊菩提寺得詩四首

仲冬二日招諸兄弟續舉真率會明

日芝田弟詩來次答一首

再次曾三弟見投原韻二首

抄書三首

臘月雷

池上梧桐一本先君所手植秋來忽枯家人析以爲薪用作此數

十二月十六日赴青芝山會座主尙書徐公葬感賦二首

祀竈一首

敬業堂詩集卷四十三目錄

珍做宋版印

游雁一首

廿二日廿六日住曹支山會聖主面書翁公雅惠題二首

臥生哥隣一本快書取手蔚然來為詩家人許以素藤照并泚煤

竹書二首

日長由與精來來客一首連來今再大會三夜具詩賦贈二首

游海舟夜書梅四首之二絕句 詩多二日語語長談對景真率會賦

立冬後二日望主宗許公留題此詩以林園林風水日多爾效果山景再

重陽對十日對三夜既寒西谷甚甚日與爾果山未種不賦而生

感半錄後公集賦真賦賦詩詩各賦五首

重陽日由徑賦出景賦賦賦賦賦賦賦

千進東山歌一首 朝入聖恩寺觀風月靜禪客與古韻

敬業堂詩集卷四十三

海寧 查慎行 悔餘

齒會集 盡甲午一年

甲午春杪座主大宗伯許公邀楊晚研宮贊陳梅溪侍御為娛老會僕以
門下士忝充四人之數周而復始迭為主賓其秋同宗兄弟年六十以上
者凡五人復有合釀之飲大抵季必有會會必有詩一年中唱酬者十居
二三因以齒會名吾集亦歸田一樂事也

元旦大雪

跡遠疎賓客心空穩睡眠正宜晴閉戶況乃雪漫天與世喜無事為農占有年
庭梅生意動報我一花先

過詩友錢木菴虞山故居

城角三間屋傾欹少比鄰半生餘酒債四海失詩人兒女早無累
木菴三子長為農次依僧

季業儒一女歸 吾家孝廉姪身名果孰親翻憐吾未達感舊尚沾巾

上元雨中獨登虎丘二首

上元無月亦無燈十里山塘冷欲冰夜泊扁舟寺門外梅花樓下弔詩僧時根紹上

人已去世

劍池側畔侍宸遊寓直曾為三日留一夢八年還記得舊題詩在仰蘇樓丁亥

四月隨駕駐此

晦日招潘竹村祝良仲叶離兄弟小飲

舊讀唐賢集多為晦日遊閑中追節物病起念朋儔折柬幸能致開樽聊共酬

貧家稀宴會何惜小遲留

臺心菜

未綻黃金粟先抽綠玉簪大烹充瓦釜小摘滿筠籃不賣何求益多嘗詎覺貪

齋廚無異饌童僕也分甘

雪中玉蘭花盛開

閨苑移根巧耐寒此花端合雪中看羽衣仙女紛紛下齊戴華陽玉道冠

春分前連日雪

九十春將半鶯花世界非向榮違物性餘慘露天機幸不多時積從教到處飛
舊巢雙燕子社日倘來歸

春社

今年社是春分節半月寒深閉戶中花少有時還朔雪雨多無日不東風村巫
環玦傳神語里老豚蹄望歲豐除却農談吾懶聽何煩分酒更治平龔

種芭蕉二絕句

東鄰帶雨移花本西舍連泥掘藥苗庭小不曾留隙地又添牆角一芭蕉
卷心乍展影揆莎葉葉攢成綠一窠不爲無花偏愛葉花時長少葉時多

清明日西阡焚黃感賦二律

憶昨營窀窆旋馳赴闕裝夢常驚冷節歸及荷榮光桑梓陰功在先贈公行善於鄉至

今鄰叟猶能道之梧楸舊澤傷踏青諸父老歎息看焚黃

近展松楸路遙瞻雨露天有生逢聖代無祿盡親年淚落休官後恩踰卜

葬先誓收清白跡畢景守岡阡

亡室柩前焚黃再作一首

一道黃麻制存亡乃異辭祗緣吾有愧不謂爾無知地下應含笑生前未展眉

元微之悼亡詩報
答生平未展眉

謝 恩憐子影收涕為羣兒

喜晴

春光霽後佳節氣田間正晨興啟蓬華豁若奩開鏡岸草既柔穠渚牙亦鮮感
村南杏粧卸村北桃鬢靚鋤麥農祈秋浴蠶婦修政俗醇游惰少候至赴功競
新火稍出林舊鄰無改姓吾家世居此少長識愛敬雞犬聲互聞牛羊行讓徑
晚尋畝畝樂益遂桑麻性寄謝市朝人誰能逐造請

燕來巢

燕燕來何許飛飛羽不齊我方歸舊社爾又換新泥借問依人住何如擇木棲
雨狂風正惡勿厭草堂低

客自會城來傳老友翁蘿軒龔衡圃之意垂訊近狀口占報之

徑荒居又陋，過懶戶常關。時事罕聞見，舊交疎往還。嗜從滋味薄，詩到應酬刪。
二老知予者，因風一慰顏。

去秋手栽海棠一本，春不作花。而德尹潤木兩家，此花最盛，戲作一絕寄之。

階前手種海棠樹，小條疎著蕊難翻。被兩家園主妬，有花偏讓老夫看。

三月二日偶遊硤石精舍

三月風光連上巳，人如蛺蝶鬪裙衫。兩山鐘磬東西寺，十里煙波遠近帆。拄杖我來尋履跡，題詩僧乞署頭銜。篋中亦有新排集，倘許經房貯一函。
白香山年六十四編

集寄香山寺

上巳與子姪輩飲西園海棠花下

寂寞逢嘉樹，流連及令辰。若非攜酒賞，幾負滿園春。絕豔驚雙目，浮光動四鄰。好花如子弟，笑擁白須人。

西林庵浴

我本無垢人多生依淨土無端墮五濁特以有身故自從歸田來迷昧晚稍悟
雖逃塵土汨尚被詩酒汗蟣蝨緣見侵浣除急先務山僧開浴室午告湯沐具
愛此松下風解衣入雲霧微溫徹毛髮積患瘳沉錮滌腸卽未能搔背不猶愈
老蟬初脫殼呼吸通清露嗒焉忘其身垢膩於何附

曉過鴛湖

曉風催我挂颿行綠漲春蕪岸欲平長水塘南三日雨菜花香過秀州城

葆光居賞牡丹兼示祝良仲賓季爾田兄弟五首

幷幕高張白石臺花情亦似感栽培已過穀雨三朝後直待主人歸始開

時賓
季爾

田初自
粵東歸

閱盡紛紛桃杏姿遲開獨占豔陽時只消一夜東風力扶起花頭五百枝
道是吾鄉第一花芳時無客不矜誇兩朝二百年門第得似君家有幾家
尺三花面大於盤一文花梢半出欄頭白老翁來未晚霧中看勝雨中看

曲宴曾陪賞 內廷蕊珠樓閣隔青冥一枝歸折非無意猶有當時舊 賜餅

三月晦日偕楊晚研陳梅溪赴座主大宗伯許公之招流連三日敬賦
五言古體詩一章用志盛事兼訂後期

世會賴人持進難退仍易公歸天下仰鄉曲風先被逖矣黃髮期曠哉赤松志
遠收伊呂迹近託張邴契洛社與睢陽高情千載嗣九人不迨半猥許門生廁
良辰春夏交勝踐東西寺年尊耄將及興逸衰猶未籃舉出匪遙杖藤行可寘
堂無絲竹鬧庭有煙霞膩外靜絕市謹中虛得池位雖然營圃墅亭榭隨布置
不窮土木妖所以矯豪侈何嘗廢宴衍芻豢薄滋味不列水陸珍所以警貪鄙
初焉立家法久乃變風氣道大等行藏心空冥同異乘流坎斯止衆取我則棄
欲知鵬鷖遊豈外逍遙義欲知名教樂卽此真率意一會日經三一年會須四
非疏亦非數天賜皆君賜幸生山水鄉各有登臨地創舉良獨難後期當以
次

從東山大悲閣步上南山道院

山北山南一逕通又從紺宇扣琳宮千年樹老根穿石百尺梯危勢轉空上界

神仙風肅肅下方樓閣雨濛濛羽人何福能消受長在晨霏夕靄中

過惠力僧房訪葛友峯

穿過林巒第幾層到門雙屐響登登祇應趙郡蘇和仲猶識成都杜伯升
難求偕隱伴張平子賦欲僑居直似此山僧白頭相對吾滋愧撒手懸厓尚未能

題西山快哉樓

東山標一塔樓與塔尖齊日月光先到松篁勢盡低爽宜延眺聽老漸怯攀躋
緣境隨時結詩成信手題

碧雲寺以上四首皆硤川遊歷之作

徑曲耐幽尋杉籬步步陰煙光遮市斷殿影赴潭深昔受梅檀供今傷樵牧侵
欲知增減劫成壞視禪林

信庵貽我湘竹筆几

往與陳六楊晚輩結交始臨池我腕不能懸落筆恆苦肥至今衫袖上墨汁烏

淋漓十年課官書，猥充抄寫爲一從。拋筆墨有指如駢枝愛弟，粵中來美竹貽湘妃斑筒圍五寸文采光陸離。鋸刀剖其半承臂良所宜惜哉。硯田荒此几將安施毋忘持贈意三復幼槃詩。謝幼槃筆凡詩當君持贈恐不堪大似無功饗鹽虎

座主許公別後寄示七律二章敘連日山游之樂再次來韻

溪山佳處榻長懸，暇日追陪樂境偏。靈運賦中行采藥，康衢歌裏看耕田。厭逢俗客談時事，閒與鄉人結善緣。兩笠風襟無恙在，畫圖容易着神仙。

茫茫宦海闊無邊，幾見虛舟濟巨川。白香山詩巨川濟了作虛舟退步始知原有地，掉頭誰

信不關天。高人入社同招隱，大老還鄉例好禪。得御籃輿吾竊幸，乞身多及太平年。

自西阡步登龍山小憩妙果寺成鏡軒

杖藜無百步欄楯，有千家未覺平簷淺。全虧老樹遮童挑，西澗水西阡之北有泉去此纔半

僧製本山茶。佛日長如此，何愁莫景斜。

村家四月詞十首

茆苦枳落趁高低草色平鋪樹影齊一片綠陰行不到家家門外有黃鸝

生長蘆村與葦鄉單丁門戶怕逃荒春來娶得紅裙婦添壓橋南百本桑

去年桑葉賤如毛今歲蠶多葉價高大抵乘除常得半半償安分半償勞

小滿初過上簇遲落山肥繭白於脂費他三幼占風色二月前頭蚤賣絲

三幼即三

眠也見放翁詩自注

野老籬邊獨一家臥聞隔竹響縲車開窗自起看風雨日在牆東苦棟花

活東幾日變蝦蟆細瑣謀生亦有涯租得山田還帶漙種菱時節種魚花

蠶忙粗了接農忙早晚官符不下鄉見說城中多大戶帶征猶欠隔年糧

大麥離披小麥黃連朝次第欲登場開籠莫放新鵝鴨怕損鄰田二寸秧

一尺良田種一科

語出齊民要術

早年宜黍水宜禾老農信口言皆驗比似兒孫閱歷

多

山妻赤脚子蓬頭從此勞勞直過秋海角為農知更苦合家筋力替耕牛

寄徐觀卿庶常四首

人間路狹田間闊天上官多地土稀難得玉峯徐吉士逢朝廿日便思歸

來書云平

生官况以廿日了之

乞歸初不為鱸蓴肯作江東第二人霧豹一斑窺寸管雲龍半爪現全身

跨鳳驂鸞幾隊行列仙名籍滿瑤京不須更說鷄棲樹阿閣巢多自見輕

石公山下約耕雲十畝桑麻許見分

觀卿有別業在洞庭西山與余曾為卜築之計

我為退難歸已老

可憐事事不如君

副相揆公惠寄人參一斤賦謝

官非致富具官罷適得貧獨不奈病何父吟兒復呻

時兒建亦患病

貧家抱富病動與

參苓親東產禁入關南方價彌珍十金易一兩又苦屢雜真投之湯劑中日飲

僅數分持此望療疾越人視秦人荷公千里懷拜貺俄盈斤瑤光散藥笈紫炁

交斑璘

春秋緯瑤光星散而為人參禮緯下有人參上有紫炁

沃以碧琉璃蒸以紅麒麟庸醫亦色喜奏

效如轉輪果然黍谷寒變作陽崖春公惠洵已厚我慚鬱難伸雖延草木年等

是幻泡身所期調元手旦晚秉國鈞

時聞枚卜列名溝中多待澤一老何足云

德聞姪以 先京兆公加贈嘉議大夫誥命一軸見示敬題於後

吾宗京兆之子孫當時濟濟推清門大賢餘澤久漸替先代龍章今僅存族譜

亭前一回首欲斥斯人言可醜若教此軸落渠家賣珠毀櫝夫何有

本支家孫弟兄構禍

蕩盡先人餘業故有此歎不忍斥其名也珍藏似爾豈非賢中有詒謀二百年科名仕宦尋常事世

業終須孝友傳

余舊蓄古鏡一枚形正方背有飛魚二鱗蠶生動周遭一百八十乳水

銀徧裹上著血皴朱砂斑不知何代物也偶閱元裕之集馬雲漢家方

鏡背有飛魚與此形模正合元有七律一首載集中疑即馬氏故物而

今為我有喜續一篇紀之

馬家古鏡形模異人世皆圓爾獨方細乳流丹周四角爛銀磨鼻貫中央出波

鱗甲飛如活透骨頗黎冷放光知有廉隅難入俗合歸老子為收藏

蟻鬪

飯罷徐徐捫腹行階前蟻陣太縱橫巧排睢水常山勢鏖戰昆陽鉅鹿兵國手

圍棋分黑白村兒鬪草計輸贏轉頭一笑全無為不解當場抵死爭

兒建補官北上兼寄德尹潤木

爾往因門戶吾衰且杖藜行期今始決藥裏病仍攜時兒病尙未全愈老閱晨昏易貧

難出處齊京華見諸叔有信共緘題

梅雨將至曝衣庭下睹舊賜紗葛袍感賦

一桁高懸犢鼻褌篋中剩有賜衣存為防梅曉重開看閒與兒曹說主恩

禾郡試院古柏曾濟蒼繪圖索詩即次原韻

龍筋纏左紐鶴骨鍊孤形閱士幾頭白遇君方眼青愛頻攜畫卷惜未入圖經
變化誰能料風雷或晝冥

德尹陞侍講却寄

雁行官序記隨肩余兄弟三人同官編修每入朝班仍以齒序先後久次今來合轉遷用漢書孔光傳中語聊與

家門增氣色也勝陪點六年前己丑初夏春坊日講員缺奉旨選擇掌院會以余名擬上既而用陳鍾庭

生日示兒孫

敬業堂詩集 卷四十二 七 中華書局聚

家世少高年傷哉傳父祖吾生長過分六十已踰五自為鮮民來奔走備艱苦
每逢先忌日雙淚落槃俎忍復受稱觴成行拜兒女殊非老人意轉觸傷心緒
世教日以漓五鼎儉三釜厚己薄所生逢辰競華詡其或侈宴會開筵召歌舞
此風非自今此事尤不古矧余衰且廢徇俗一無取仕宦閱十年依然北門竈
先廬僅無恙聊足蔽風雨常恐病見侵去來難自主未知從茲往尚復幾寒暑
但願汝曹賢甘貧守前矩貽清義有在何用幹吾蠱

夜枕喜雨

挂壁閒龍具黃梅十日晴忽聞中夜雨殊慰老農情枕簟通霉氣溝塍走去水
聲跳跬如送喜不厭繞除鳴

庭前蜀葵十二韻

蜀葵吾手種五月儼成林葉葉青蒲扇株株碧玉簪卑叢猶計尺高幹突踰尋
耐久誰如爾敷榮方自今此花自五月至初秋相續不斷有花偏犯暑得地肯移陰抱素矜孤

潔中有白花一株施朱競淺深露晞疑濯錦風暖快披襟爛熳知時及欹斜怕雨侵寧

無衛足智尙有向陽心石竹羞相亞山榴妬不禁畫工難設色詩老獨搜吟莫
漫嫌貧窶芳醪又一斟

韓魏公詩芳醪對一斟許魯齋詩但恨主人貧且窶不教相對舞衣紅皆詠蜀葵句也

日本繡毯花

南風來海外吹綻小團圞吐萼初含綠染根俄變丹垂垂懸蹴鞠袞袞壓欄杆
兩打戎葵折留渠愛惜看

盆池荷葉

藕梢種盆池初葉青錢似一葉復一莖漸看翠蓋起豈無十丈花奈此三斗水
託根適有制小器吾局爾

家童以梅水滌硯既申諭之復詮次成篇當僮約一則

梅雨降天泉其甘甚仙醴淪茶需此味久貯益清泚竊益謹蓋藏非時不輕啓
客嘉乃一薦視若大烹禮研垢利亟除無端用泉洗殷勤示僮約誤事胡可底
開池用養魚汲井用淘米貧家用水法一一須酌劑推類以及餘吾言當善體

雨乍晴

鬢髮落草與堦平屋漏痕餘滴瀝聲老去一身隨燥濕漫勞鳩鵲報陰晴

觀插秧二十四韻

百汊通舟楫千畦罷耨耨人情須解澤天道豈屯膏夜足分龍雨晨添浴鷺濤

渾渾泥破塊汨汨溜鳴槽及見苞初拆先期種淨淘齊民要術淨淘種子經三日漉出露苗齊

若翦風葉弱於纜維耦羣衣襪于田畢赴墾事因當務急義取立根牢寬解青

腰束勻鋪綠罽輦橫從分緯經去行列準茅絢滑澁聊防蹶瘡痂那暇搔胼胝

兼踵趾仰俯混頭尻正爾如針細何時比岸高栽培從幼穉功力積纖毫小鴨

浮烏紫新鵝沒乳毛篝車思預祝稂莠待徐薳餉婦烹蠶豆幡翁壓麥糕放翁詩旋

壓麥糕邀父老衢歌隣巷答函樂土風操身雜耕耰侶心知稼穡勞問誰司命罵笑我

代烝髦偶倚孤藤杖閒攜半榼醪勸農勤本分撫己愧嬉敖有蠹除灰鞞周禮秋官

蠹氏掌去蟲則死以其煙被之則凡水蟲無聲無蟲慮食桃蟲食桃粟貴亦豐年斯在眼秭

鳩已先淖史記百草奮與秭鳩先淖

梅雨初霽

隴畝有惰農無端負春橐十年京洛住風氣習高燥左臂雖病風土脾幸未槁
還鄉豈不樂顧已迫衰老翻畏梅雨多侵膚劇蚘蚤兒童報新霽起視天宇好
蟬嘒林葉初雞鳴曙光早微颺自南來掩冉被庶草夏課晨有程方當事研討
曝書良先務趁此日杲杲

船趁風歌

吾聞千里以外風不同人間乃有萬里之長風來從海上梅雨後紀自西郊野
叟眉山翁古稱博物家無若周元公爾雅釋天篇八方風色以類從北涼西泰
凱南谷自東頽焱飄庵暴昌暄一一命義無相蒙周禮保章十有二妖祥乖別
占荒豐下而莊生齊物論以至應劭風俗通颺瀏颺颺颺颺颺叫嚙吒吸咬于
喁名雖巧排比語實工形容船趁之名特未悉土俗傳說惟吳中吳中五六月
水盛溽暑方蘊隆此風東南來一掃雲翳還虛空商羊黑蜮潛厥蹤炎官亦退
三舍避大啓橐籥伊誰功三日濕氣消五日暑氣融連綿七日九日尙未止快

哉何暇分雌雄羊角初從何處起合而爲一浩蕩來無窮

丘真人西游記風初起如羊角須臾合爲

一風一國家象胥譯九重白雉入貢兼青熊良商豪買狎海童高帆幅亞樽桑紅中
男長女各效職飛渡溟渤如輕鴻此時田間一老翁置身恍在蘭臺宮不知人
生更復有何樂但向北窗高枕臥聽聲蓬蓬

鷹毛扇

稜稜疑戴角六翮舊稱雄誰翦摩雲勢而為弄袖風近身無棄物當暑奏奇功
莫逐班妃扇秋來怨篋中

庭前新設日棚

奇峯突兀升晨莫多幻狀羣來燭我室火令方用壯誰能待涼秋坐受驕陽亢
貧家愛惜費奇計役心匠架木於中庭從乾取巽向

宅經云從乾向巽各入陰東西牆所限

南北稍通望剖竹以為椽縛繩乃施帳卷舒一夫力自我荆新樣天亦無如何
居然聽人抗片雲風不散赤日走其上但覺晝景長焉知炎勢王解衣盤礴臥
客至蒙見諒憶昨扈從年屨軀昧自量跨鞍五六月万竈逐焚煬渴飲道旁泉
形神聊一暢勞筋誓永息疲馬就閒放跡遠倦驅馳情孤愜宜當青藍十幅布

氣壓錦步障卽事不願餘休陰獲微尚

雨後納涼

夢過雷霆了不驚起來涼月在南榮靜中機候誰先覺已有一蟲塔下鳴

六月廿二夜熱不能寐五更起步庭下徘徊到曉

夜熱不成眠展轉達五更開門上殘月適與微風迎大火將西流銀河去無聲
林亭散疏影露葉涵虛明薨薨羽蟲飛喔喔村雞鳴身如閒草木受此旦氣清

沈松年觸暑見過爲余寫行藥圖小照贈之以詩

昔年三十四張叟爲寫照是時氣方豪抱膝坐長嘯癸亥夏張子由爲余作槐陰抱膝圖侵尋落

塵網行止非意料一夢迨桑榆回頭失吾少自觀疑隔世那免旁人笑沈生技

入神下筆天下妙曩者京洛遊不輕貌權要朱門致厚幣却去臂頻掉獨愛山

澤臞足音赴蓬藿老夫正避客畏熱如畏燒瀟灑實藉茲掀髯引同調吳縑六

尺雪靜對屏聽眺三日晝始成投牀忽狂叫張圖示左右童稚皆曰肖迺知神

理憑在骨不在貌一杖兩屨輕清涼徹毛竅高楊蔭風渚密竹移煙嶠外勢拓

微茫中深藏窠窠過橋茅宇遠轉徑柴籬繞力圃方自今幽情老彌劭允宜置
丘壑何用談廊廟稍待條甲成重煩添藥鈔

偶得鸛雛畜之階下旬日馴擾如家禽

老鸛巢古木孤雛失遙汀養之羣雞中旬來食宿并草際飛拍拍花根立亭亭

有時照盆池長喙梳短翎適逢螻螳飽暫脫魚蝦鯉方當竭澤時

時亢旱河
流枯竭

處潛汝形不如儕野鶴飲啄且一庭

苦旱

火雲燒海壖禾黍供魚燔是田坼龜兆下隰高平原山根曲曲谿近溯十里源
其流本易涸三尺淤泥渾何當干桔槔渴若接臂猿下飲罄呼吸涓涓寧復存
一井給百家乞漿稍出村人情靳所少昏夜拒叩門我有小池水舊未資灌園
經旬漸將枯遑救鮪與鯤哇丁仰沐浴爨婢充餅盆緩急吾豈無義從易地論
開園聽使汲兩不受怨恩暘者盈路旁其能以手援喟然望雲漢安得天瓢翻

立秋後四日得雨喜疊前韻

雷鞭起龍蟄，電火林欲燔。急雨隨秋來，沛然滌焦原。出高而施下，天澤殊泉源。
頓令赤墮墳，化作塗泥渾。物情俄頃變，判若王孫猿。柳子厚云：猿之德靜，以向
常王孫之德躁，以嚮來沸蜩螿，闐寂無一存。雞犬聲逾靜，羊牛亦歸村。但見蓑笠翁，倚杖臨柴門。濁
酒贄鄰曲，農談慰田園。檐低劇投蜨，海近疑徙鯤。汲婦免抱甕，浴童喜傾盆。西
成卽未知，姑以目睫論。良苗與秬稗，各被霑濡恩。我亦領新涼，詩筆聊復閒。
庭有花木枝，葉爲翩翩翻。

雨後遣興

秋田一雨洗萌芽，餘潤還沾學圃家。苦竹鞭抽行地筍，戎葵梢放出籬花。身憂
天下原非分，老覺浮生亦有涯。野色閒門無客扣，夕陽影裏數歸鴉。

重至西湖雜感六首

行宮昨巡幸，侍從偕東枚。詔許孤山遊，緣坡陟崔嵬。高亭揭佳要，御書佳要
亭在孤山

最高處正面湖光開，再到踰八年。重扉鎖蒼苔，夕陽錯金碧。竹樹浮樓臺，聖

主軫民艱，翠華無復來。湖流亦漸縮，清淺如蓬萊。

三百六十頃葑田半平蕪泊舟湖心亭坐失西南隅兩隄遞隱現彌望菰菱蘆
吳中連歲荒竭澤準此湖誰興百年利開濬繼白蘇

菩提古律院中有禪者堂兒時侍我翁曾宿道公房奄忽五十載沙彌成老蒼

為言禪堂災室被池魚殃師徒二三輩借歇鄰僧牀世苦善緣稀十方如一方

我貧正髣髴何以副汝望昭慶舊寓被火住持僧乞余重作募緣疏故云

故人喜我來謂鄭春薦高說仲有約晨往踐中流泛彩鷁酒果諧終宴殘暑颯以收荷

風偃秋扇各陳別中事過去同掣電齒脫頭亦童是形無不變惟留真面目重

與吳山見

昔我同朝友蘿軒翁康與田居龔蘅圃竹深章豈乃同年通籍甫歲餘後先解組

去各守先人廬錢子持我彌甥比亦賦歸與世途日湫隘親舊旋凋疎合并復

何幸皓首仍相於湖山近可樵湖水淺可漁此生知幾見莫負秋風初

潯陽賢郡守朱恆齋時客吾郡歷政廿四年罷官世業盡無計營歸田竭來泥馬城臥

痾儻市廛良醫天下少買藥慳囊錢我欲招使出一覽江湖天足孿兼畏風躑

躡行不前當路非無交車音聽跫然惟餘老賓客同病心相憐

龔蘅圃屬題田居圖圖爲王石谷所畫三首

我愛西泠龔侍御候樵開徑擬村莊前身似是黃清遠好補田居辭九章

元浦江黃

景昌自號田居子作田居古調辭九章事載吳淵穎集惜其辭不傳候樵開徑九章中篇名也

更愛虞山王石谷爲君破墨寫桑麻晚年變盡大癡法瀟洒自當名一家

上澗烟波下澗田朱陂楊柳陸池蓮爲農果若畫中樂吾亦嬾尋辟穀仙

到湖上不及訪諦輝禪師而歸寄詩代柬

諦公世壽八十八見說形神倍清拔有時挈鉢身入城健若雲端出巢鷓隨行
不用木上座一日往還能步屐葛藤斬盡松性孤那怕霜根被纏殺開堂說法
踰四紀坐斷高峯梵王刹一拂何曾肯付人問着三交兩頭瞎似憐我是無家
客遠枉山中八行札我來便合去尋師却向石頭防路滑雲林咫尺徑未到回
首湖西山鬢鬢明年擬坐兩安居眼膜終須寶篋刮

題章豈績觀碁圖

宇宙一碁局白黑兩戰場細極蟲蟻微大而至侯王胥爲競心役得失爭毫芒
遂令坦坦塗嶮巖劇羊腸可憐橘中叟機事亦未忘國工吾不知童稚勝老蒼

圖中一童子與老叟對局所以達觀者袖手於其旁

從姊丁節母八十壽令子修遠來乞詩

吾家賢姊丁節母年二十七稱未亡是時殉夫勢不可有兒在抱姑在堂夫之
兩弟尙小弱形影相傍何俵俵婦供子職母兼父兄道亦以丘嫂當皇天欲貞
苦節苦一一艱瘁教親嘗糲貧固已少簪珥時絀又復懼凶荒淚流繼血食有
指骨盡吸髓炊無糧秋看烏哺感魚菽春睹燕乳憐粃糠晨春寧資相杵力夜
績肯借鄰爨光全家仰俯賴操作母不自白旁人傷阿婆下世兩叔娶寡鵠矢
志孤雛償父遺一經課使讀世業克紹孫成行乾坤豈終靳雨露松柏要必經
冰霜蓼荼茹盡蔗味出佳境漸入今方將母年八十兒六十白須綵袖前稱觴
中秋節近風物爽桂樹敷簌飄天香月中之兔爲擣藥長生會得仙娥方

西園早桂八月始花偶拈二絕句

兩株桂自先人值歲歲開當七夕前校是今番花信晚秋香還占別家先
消息西風任客傳花時長結一村緣而今勘破黃山谷鼻孔猶爲晦老牽

季方兄招同聲延兄曾三芝田兩弟於西林菴爲同宗五老會席間喜

賦時甲午中秋前三日

古人重睦族籩豆禮無廢奈何世教衰此義久云晦家宗遠有緒望實鄉國最

伐木歌卒章吾猶及前輩宦遊鹵莽出晚景侵尋逮歸到忽一年余去秋八月十三日抵家

今恰一年矣病多逃酒債喜聞折柬召喚起初心在八月撰良辰五人合嘉會兩兄

吾所敬兩弟亦吾愛居近三里中年皆六旬外茅菴傍先壟徑轉蒼山背風日

假清光松篁發幽籟僧來具茶薜童去攜鮭菜飛動愜平生老狂餘故態流光

弦釋箭盛壯已難再但願五白頭偷閒輒相對

中秋兩集拙宜園賦呈宗伯座主晚研前輩二首

節到今年正秋分此夜中是日秋分節重尋三宿約惟欠一人同陳梅溪以疾不至巷氣通

荷葉林香入桂叢滿城傳勝事來看雪髯翁

可惜團圓月雲封得樹堂檐虛燈動影池闊水生光聽雨篷籠外吟風几杖旁
平生師友在到此分真忘

十七日陪遊秦駐山得詩六首

夜雨晨乍晴茲遊天所許攜筇出煙郭振步凌雲嶼公本海鶴姿飄然命儔侶

身輕無險徑心曠得豪舉誰云溟滓寬直欲巾笥貯

出郭

社稷已丘墟冤旒尚祠廟當時伐山處馳道餘蓬藿可憐愚氓愚不記暴秦暴
家家棧羊豕坐享血食報今年旱太甚水乏蘋蘩芼毋乃為神羞徒憑山鬼嘯

始皇廟

平生汗漫遊不識蒼浮子今來尋別業愴若經蒿里好事賴閒僧詩名猶在耳

山林耆舊盡太息烟霞委

詩老徐滄浮別業

山後石狀狠山前林靄濃名藍繚而深風氣于焉鍾下有千頭橘上有百丈松
潮聲卷地起響答出谷鐘禪扉日日開未缺茗椀供留題紀歲月孰繼三人蹤

半潮菴老僧出素冊乞詩

家住錢塘西未觀曲江濤及茲陟海嶠
惶惶惜攀躋勞長風東南來吹我上岬嶠
忽然空四顧快覺身歷高井底俯孤城
三面被浪淘築堤效精衛木石焉得牢
誰能驅此山外捍兀巨鼇

絕頂
觀潮

秦鞭不可施頑疆倚天外一山坐少肉
佛力將安賴榛莽長於人菴廬小如蓋
忘機任去住涉境有成壞置身万仞岡
達者觀其大少陵固云爾臨老斯遊最

菴茅

食新米

秋水通港脈吳船來海濱稍聞米價賤
歡喜動四隣荒廚乏宿春八月亦食新
雖然營一飽力惡不出身薄宦比曼容
退耕輸子真餘慚到僮僕并作浮惰民
官鼠竊太倉家雞仰空困物生各分定
吾自棲吾貧

由葑門至牧瀆舟中喜晴

積雨川初漲秋晴候尙暄帆移背城路
竹密近山園野市漁樵散人家鴈鷺喧
太湖知漸近水色半清渾

重過鄧尉大司寇徐公墓與公子觀卿話舊二首

昔會尚書葬重來二十秋好山增氣色高蔭鬱梧楸賤日蒙青眼流年感白頭
及門多著錄檢點幾人留

藉甚賢公子歸來一壑專論文空老輩誓墓及中年跡忝同朝舊姻從世講聯

觀卿與家德尹爲兒女親家相看多道氣應許數周旋

五雲洞

鄧尉山形斷柴莊嶺脉延言尋五雲洞試酌鉢盂泉草偃秋迷徑林深午見天
老僧年七十揖客鳥巢邊

午飯東山菴

村落樊籬外人烟墟墓間稍穿蒙密路又轉一重山樵擔行相引禪扉晝亦關
薄遊煩地主裹飯慰衰顏

晚入聖恩寺瞻漢月禪師塔與古菴老衲茶話

鐘聲天半落麗刹占岑隅地拔千章木門開万頃湖來因瞻影塔老喜接浮屠

倚賴青藤杖隨行勝給扶

重陽日由鄧尉坐屐船沿太湖濱抵漁洋灣登法華嶺與觀卿拈韻各

賦五章

九日乃溯流古來無此法適茲泳游趣遂與魚鳥狎望望銅坑橋前行出蘆夾

湖光三萬頃際眼窮一霎地盡日脚垂天低浪頭壓近山浮蛟鼉遠艇點鳧鴨

奇懷洵曠蕩良會殊欣洽滿載洞庭春十分傾蘸甲

黃柑釀酒名洞庭春色見東坡賦

鏡面三十里淼瀾似無涯片颿截湖來小泊當蛤岬居民雜耕釣竹樹環坳窪

中有佛者宮法華及曇華頭陀不好事籬落無黃花手拾墮巢薪爲余烹土茶

屋山見微徑林隙縈修蛇直上千仞巔迴身俯烟霞

新城老詩翁于焉戀清景漁洋曾自號四海傳歌詠

阮亭王先生絕愛此中樓山水因自署漁洋山人

指今幾何勝遊闋如屐履綦已陳跡我到踵前猛濤聲拔湖洪飛上万松頂西

風迫吹帽新鴈時一警俯仰有古今徘徊惜俄頃誰爲後來者繼躡最高嶺

折柬不可致陪遊欠詩僧

謂湘隣禪師

兩人亦不孤勇往快得朋平生偕隱願躡步

氣益增西指小九天

西山林屋洞爲十小天中第九天觀卿有別墅在其下

下有田一塍買隣隣苦少約

我我未能具區舊志荒文獻於何徵君家富圖籍攷證庶足憑我雖腰脚頑肯
辜手中藤焉得七十二峯峯與同登

是節古所重吾生隨所遭向來閱星霜南北毋已勞有時泥飲伴座上爭題糕
間亦吐狂詞氣粗陵二豪塞垣九月雪氈帽蒙戎袍陪獵入圍場分釐行燎毛
乞歸復何事雙鬢餘蕭騷左臂雖病風尙堪持蟹螯地鄰甫里陸心契柴桑陶
君壯我就衰逝波日滔滔明年身縱健何處重登高

重陽後十日曾三弟招集西林菴是日微雨杲山法師不期而至

再舉重陽會何妨十日遲林巒真得趣晴雨總相宜踏屐堪尋菊登高例有詩
閒僧來不速社飲倍淋漓

立冬後二日座主宗伯公偕晚研梅溪枉過村居次日移榻妙果山房

再遊菩提寺得詩四首

乾鵲聲中客款門畫船啣尾泊籬根掃除黃菊荒蕪徑暎帶丹楓穉村半月

先期傳父老一家喜氣到兒孫海山不盡東南望登陟應須次第論

桑榆餘煖在田廬初約重尋幸不虛行處聚觀傾里巷有時問答及樵漁能文

客到先投句

時徐觀卿至自玉峯詩先成

好事僧來盡乞書

晚研工書所至楮墨堆案

寄語同朝諸大老

莫將八座傲懸車

招提游更招提宿四五人添八九人

時許伯勤馬衍齋果山法師俱入座承楨兩兒亦侍行

自有此山無

此會勿論誰主復誰賓靈泉怪石供幽賞煦日和風應小春知是宅生緣境在

每逢佳處輒逡巡

流光已付陶甄外世味多消朴率中省對梓筵慚地主免教冠蓋炫鄰翁熊羆

起渭嗤何晚蟋蟀歌唐儉可風報答 朝恩還有處白頭相見祝年豐

仲冬二日招諸兄弟續舉真率會明日芝田弟詩來次答一首

弟勸兄酬又一堂依然同產似君良

唐書孝友傳劉君良四世同居雖族兄弟猶同產也

小春已過冬猶

暖短晷雖移夜甚長老去喜為無事飲興酣聊鬥此身強明朝夢覺三竿日始

信齊州接醉鄉

用東坡睡鄉記中語

再次曾三弟見投原韻二首

橋欹路滑限東西一權來尋曲折溪每愛招邀聯近局又從唱和得新題陋邦

笑我詩同鄮雅量輸君酒到齊木盃瓦盆隨分設何須几上復加緜鄮中記冬月几上加

緜

人中聳叟飲中仙挹袂何妨更拍肩地僻魚蝦貪入市天晴箕畢快移躔是日早雨

晚晴松筠歲晏留賓賞莞蒹庭空待雪填却笑竹林惟二阮同時應少弟兄賢

抄書三首

人言冬是歲之餘自分生涯伴蝨魚比似王筠猶有媿白頭方解手抄書南史王筠

愛左氏春秋凡三過五抄餘經子史皆一過未嘗倩人假手

無數空花亂眼生摩挲細字欠分明西洋鏡比傳神手入廓重開為點睛

烏雞已療病風手秋兔猶存見獵心炳燭餘光吾若此兒曹那不惜分陰

臘月雷

天公號令何其乖夏慳膏澤冬發雷先期三日礎流潤雪候變雨成黃梅螻蛄

夜啼蚯蚓出有聲來自南山隈
靈籟倒行坤軸裂霹靂上劈天
關開吾聞宵雅哀十月矧迺歲
莫陰陽催至尊端拱穆清上
官府庶事歌康哉震來虩虩百
里爾特向山谷鳴
淮南子迴山谷之間
迴陋儒鯁鯁誠過計誤信耳目
生疑猜庶徵休咎豈關汝一飲
且酌消寒杯

池上梧桐一本先君所手植秋來忽枯家人析以為薪用作此數

苦竹不實鳳苦飢霜風拗折枯
桐枝知音者希巧匠死琴瑟之
材同屢屢我來撥灰三太息重
是先人手親植紛紛桃李總輿
臺從此荒園少秋色
起結二句用太白詩

語

十二月十六日赴青芝山會座主尚書徐公葬感賦二首

清德宜鑄石佳城仰

賜金

公以少宗伯贈尚書恩給全祭全葬異數也

哀榮朝典備存歿

主恩

深十郡千人會三年獨子心

謂大司空

反虞猶孺慕未忍進祥琴

視我真猶子從公始得師

乙丑春公為國子司業余時備弟子員親授作文法度

有經傳舊業無路報深

知夢奠嗟何及歸休悔稍遲

余於癸巳秋長假還鄉公薨一年矣

寢門餘痛在淚雨滴青芝

敬業堂詩集卷四十四目錄

步陳集

元旦立春大雪

二日喜晴

四日西園散步得三絕句

人日赴榆村兄真率會二首

上元前二日芝田弟招集深寧齋席上次韻

西阡老梅一本不知何人所植花時偶與諸兄弟婆娑其下芝田有詩再

次韻

送湯納時表弟赴吉水任三首

次韻答又微姪

庭前紅梅花時恰值春寒

次韻答東亭弟滇南見懷二首

江行六言雜詩十八首

發常山早雨午晴二首

西江權歌詞四首

樟樹鷺巢歌為施淳如明府作

淳如招遊蓮華洞四首

雨中度分水關

重遊武夷冲佑宮

陳道士房見甌寧蔡鉉升明府留題作詩寄之

建溪權歌詞十二章 并序

訪同年滿鳧山開府於三山官舍撫

今懷昔賦贈二章

與劉海觀前輩話舊有感

尋道山亭故址

九仙山平遠臺

鳧山先生邀遊城東湯泉

老友林同人贈櫻竹杖

留別前輩鄭老先生

留別林同人

住福州半月不及噉荔支而歸聞西禪寺老僧癡賣尚無恙臨行口占寄

之

建寧遇同年張蒿陸張由詞館改知

西松溪縣今將移疾乞休詩以慰之

武夷精舍

武夷采茶詞四首

崇安梅容山明府貽武夷山志

朝發小巖村暮抵紫溪途中口號四

首

鉛山道中

重至南昌感舊

登滕王閣

飲胡都閩德菴署中荷亭上二首

端陽前二日遊北蘭寺四首時李暘

谷挈榼小飲列岫亭葉素我尊聞姪楨兒俱在座

李壻暘谷追送於滕王閣下臨發歸舟二章留別

晚渡鄱陽湖夜泊瑞洪

行經貴溪縣赴同年王辰幟之招卽

席分韻

廣信舟中望靈山

五月二十六日到家驚聞兒建京師訃信傷慘而作七首

敬業堂詩集卷四十四目錄

卷之四十四

四

五

六

七

八

九

十

十一

十二

十三

十四

十五

十六

十七

敬業堂詩集卷四十四

海寧 查慎行 悔餘

步陳集

起乙未正月盡五月

謝病歸來杜門七百日矣不得已而作閩游憶戊寅春夏間偕朱文竹垞南行今往還仍取此路東坡詩云團團如磨牛步步踏陳跡用以名集聊當解嘲

元日立春大雪

家居閱兩年連遇歲朝雪東風不解凍就我作冷節鄰比莫往來應門乃虛設野人喜無事復此庭宇潔薺麥正青青蘭芽爲誰茁

二日喜晴

昨日旣喜雪朝來復快晴開軒納東曦檐滴微有聲天豈去我遠始和得人情呼兒具紙筆枕上詩已成

四日西園散步得三絕句

算是今年第一回草根殘雪尚堆堆春風氣力強於杖扶起衰翁踏凍來

三日為期已過期晴光先動碧琉璃苔枝照影魚兒躍及取冰開鷺未知

疎籬外繞翠檀欒梅橘中栽五畝寬抵得實封三百戶頭銜自署老園官

人日赴榆村兄真率會二首

七十三翁齒最先人言兄乃地行仙白頭兄弟肩相並不敢誇張說少年
容易開尊得故鄉況逢雪後好風光梅花消息巡檐近絕勝題詩寄草堂

上元前二日芝田弟招集深寧齋席上次韻

杖履從遊地難忘直至今余少日詩文極蒙伯父霍丘公賞識風流前輩盡結託晚年深照座紅

燈入當杯白髮侵懷新兼感舊愁和郢中吟

西阡老梅一本不知何人所植花時偶與諸兄弟婆娑其下芝田有詩

再次韻

千林一樹特標奇冰雪初消雨未滋問著不知誰手種却來與我伴衰遲

送湯納時表弟赴吉水任三首

兩派江流百折灣全家攜入畫圖間桃花夾岸春旗影直到廬陵不斷山
牧羊圈豕盡彈冠一第終輸本分官不負種花心力在吉州抹麗贛州蘭
文江舊是人文藪歷宋經元迄有明此段挽回須老手莫言邑宰事權輕

次韻答又微姪

平生持論笑孤高老去羞稱供奉曹幸有田園收影跡敢從壇坫薄風騷披吟
滿卷輪君富置酒當筵看客豪莫道懸車年未及吾薪入爨已勞勞

價高之句故云

來詩有未老投閒聲

庭前紅梅花時恰值春寒

側側餘寒薄薄粧疎花嫩蕊太郎當能禁臘底三番雪翻怕春來十日霜

次韻答東亭弟滇南見懷二首

自笑原非炙輶髡一歸聊爾慰慚魂退飛事異冥鴻弋俯啄心空澤雉樊伏臘
鄉風隨戚黨耕桑活計委兒孫只愁兄弟天南北却聽清吟似峽猿

字如黑蟻筆頭髡天末書寬久病魂喜爾力能禁瘴癘知余情頗戀丘樊一門

最盛推同祖，万里相望各有孫。若論桑榆收未晚，莫因擇木感騰猿。用晉書李充傳中事

江行六言雜詩十八首

魯公傳乞米帖，元亮有饑驅詩。不妨舉家食粥笑，問此去何之。

人家泥浦漁浦驛，路樟亭赤亭黃犢鳴。邊草綠，畫眉啼處峯青。

船頭載餘杭酒枕，上看富春圖。老伴不離鵝鴨浮蹤，又落江湖。

江流東射如箭帆，勢西張若弓。此去特邀天倖，平生逆水逆風。

一兩竿颺酒旆，四三點散漁燈。朝來露蓑長溼，月下風檣不停。

水色綠頭雄鴨舟，形縮項鰻魚。千點桃花拍岸，春潮不過桐廬。

挂劍謝皋羽，墓插竿巖子。陵壇身後哭餘兩友。此句屬謝生前笑擲一官。此句屬巖

乍合乍開煙靄一重，一掩霏微紫鱗。出網能躍翠鳥，踏波亂飛。

柳暗春旗古戍，梅殘橫笛孤城。留取三分花事，老夫待要山行。

村鷄喚曙非一野，鷺眠沙必雙。時有飛星過水，忽看苦霧吞江。

蘭溪九迴腸，曲激水一指。掌平鵝卵石，多瀨淺魚鱗。雲起天晴。

三百餘年婺學建文以後失傳重過四先生里白頭撫卷愴然

余近抄宋元明初文集得金華

前輩數家

門前二月楊柳屋後千年豫章村步稀栽杏樹鄰船時遞蘭香

碓牀多沉新漲牛馬不辨兩涯遙見一灘白鷺近前知是浪花

春分過後微雪上巳前頭嫩寒灘響吾愁減睡日長兒勸加餐

時稚子隨行

太末城南最好橘林密帶甘林歲歲經秋充賦直從禹貢到今

長亭七十有四川路縈紆倍艱安穩煙波六宿卸帆已到常山

一笈曾陪朱老浙西吟過江西誰憐磨牛陳跡自笑飛鴻雪泥

發常山早雨午晴二首

七日江程上水難肩輿差比布帆安朝來更覺山行好小雨纔過路便乾

麥畦菜壟黃兼綠李徑桃蹊白間紅著色春光誰畫得常山西畔玉山東

西江權歌詞四首

西下鄱陽總順流波聲汨汨櫓聲柔玉山城外唱歌去三十三灘是信州

千尺長橋亘水隈商船到此盡眠桅索錢幸自無關吏滿載漳煙建紙來

黃牛引犢眠茅屋烏鬼隨人上竹牌共說此鄉魚米賤就中最賤莫如柴

兩頭舡子月纖纖愁雨愁風日日兼過客飽餐江右飯居人貴買浙西鹽

江西十三

郡惟廣信
食浙鹽

樟樹鷺巢歌為施淳如明府作

鉛山縣署南城坳綠陰冬夏常相交豫章之材凡五樹上有鷺鷥來結巢東風

二月高禱祀燕子來時歲相遇哺雛引子直經秋此是風標遺種處前者代嬗

如高曾後者相繼如雲仍雪衣飄然閱五世螽斯蟄蟄還繩繩我讀東京循吏

傳鵲變好音虎革面雀雛不探童子仁疇昔傳聞今眼見施侯到官踰兩年政

成三異羣稱賢仁民及物物斯樂飛鳥依人人自憐此地昨曾經寇賊安集哀

鴻繫誰力老夫重過十八年煙火居然万家邑佳辰召客開華筵葉鳧緱鶴同

翩翹酒酣為爾賦長句侯乎侯乎豈非仙

淳如招遊蓮華洞四首

夾路泉聲響珮環去城三里卽名山清遊我正坐無事難得君侯如我閒

一綫天光落眼前洞門深入忽中穿欲知覺路隨方樂憑仗西來一指禪洞壁有石

如佛指

與欲登高力已疲隨身可少杖扶持自憐濟勝全無具顛步寧忘一蹶時時余渡澗

失足故云

兩家弟子生同異朱陸紛如聚訟來指點鵝湖榛莽路講堂片席待重開鵝湖在山

縣北二十里君方議重修書院故及之

雨中度分水關

獨立千年石回看百丈溪浮雲自南北健水各東西俗吏憎書笈勞人信杖藜

經過成熟路不怕鷓鴣啼

重遊武夷冲佑宮

十八年前夢披圖勝跡留万峯雲忽散九曲水仍流物外戀清境生涯回白頭

短筇何負汝重作慢亭遊

陳道士房見甌寧蔡鉉升明府留題作詩寄之

洞天三十六此洞自秦開羽士今寥落琳宮幾劫灰
追游成昨夢得句憶仙才
百里溪山近雙鳧早晚來

建溪權歌詞十二章

并序

朱子作武夷九曲權歌亦偶然寄興云爾其實九曲水淺曾不容舟余廣
其意作建溪權歌詞可使編郎唱艫而行俚語所不擇也

清流

船名

尾大腹仍皤杉板船輕一擲梭順水無風行更穩槳聲如雁櫓如鵝

石根一道水潑洄真有腸如九曲迴問渡亭前齊閣權竹簾撐入武溪來

不團小鳳不團龍細色如今免上供見說田家愁水旱好充茶戶莫爲農

西江估客建陽來不載蘭花與藥材點綴溪山真不俗麻沙村裏販書回

年年三月杜鵑啼紅白花開似錦溪只作漫山桃李看不知中有海棠梨

松柏難逃野火災忽教山色變成灰樵人比似猿猴捷絕壁無梯負擔回

不爭白狗黃牛峽不數西江廿四灘天下無如建溪惡水中刀劍是峯巒

北客南來飯好加川程三百少魚蝦建安腐乳甌寧酒更有南鄉澤瀉花
連山苦竹賤如毛十節量成二丈高小泊南鴉南口子船船多換幾張篙
青天白日走雷霆黯澹危灘最有名掣電光中行十里船頭一轉卽延平
自從舟發崇安縣直到洪塘與海通若使一灘高一丈幔亭合在半天中
生小離家慣水行濤波雖惡片篷輕不須阿囝呼郎罷但是同舟便有情

訪同年滿鳧山開府於三山官舍撫今懷昔賦贈二章

宗臣久掌絲綸簿開府兼優政事科地是巖疆曾伏莽公來鯨海不揚波刑清
訟簡神何暇望重官高氣轉和坐使八閩風一變挽回誰識苦心多
曾陪京兆鹿鳴筵共賦長楊羽獵篇聯轡三回經出塞下車一揖重同年當時
霄漢依光近此日雲泥入望懸不是先生能念舊肯扶衰病到堦前

與劉海觀前輩話舊有感

三館當時數二劉後來誰不仰風流芝蘭臭味終相近縞紵交情幸見收自別
道山虛接武每從宦海閱沉舟對君忍話京華事宿草鵠原痛未休

傷令兄若
千先生也

尋道山亭故址

芒鞋布襪記曾經誰識蓬池舊謫星雙眼參差收七堦百年興廢閱孤亭雲煙繞閣山形秀浦澈通潮海氣腥好在南豐碑一統苔紋因雨洗猶青

九仙山平遠臺

跨鯉人遙片碣留居僧指點說丹丘平生不信神仙術垂老宜為寂寞遊千里帆檣來域外九霄風雨過城頭劇憐野色亭西路好景多歸萬歲樓

鳧山先生邀遊城東湯泉

万壑千峯赴海疆却從海眼發温湯名同繡嶺寧愁汚派別曹溪自有香身外塵埃供洗滌人間炎熱變清涼依然沂水風雩意童冠中間着老狂

時幕友沈林二生三

公子俱在座兒楨亦侍行

老友林同人贈櫻竹杖

海山產異竹厥萌不常有移君軒墀前適用非適口一年長一寸寸累已久碧玉內堅剛櫻皮外粗醜尋丈經百年居然竹中叟金鴉鬪作杖鉅細纔可手

下有根生鬚上有葉垂簾故人憐我老分贈意良厚衰遲形影孤配爾如得偶
嘉惠胡敢忘命之曰執友

留別前輩鄭老先生

此遊真到鄭公鄉許我重登佚老堂南極一星留碩果兩朝羣望屬靈光登山
不用頻攜杖好客猶能遠置莊小吏相輕君勿怪浮雲閱盡是炎涼

先生時為
邑令所窘

云故

留別林同人

結交逢老輩再見倍相親開口問前事聞聲知故人

林年將八十
目已喪明

衣冠非宿昔

眠食尚精神洪浦通潮海毋辭惠訊頻

唐書地理志侯官西南有洪塘浦自石
邑江東經巖瀆至柳橋以通舟楫即今

之洪山
橋也

住福州半月不及噉荔支而歸聞西禪寺老僧癡賣尚無恙臨行口占

寄之

果熟西禪寺朱竹吳青壇記並嘗分甘紅計顆漬蜜白盈筐一飽事難料獨遊神

易傷居僧應笑我空到荔支鄉

建寧遇同年張嵩陸張由詞館改知松溪縣今將移疾乞休詩以慰之
出宰松溪縣行踰報政期神清知善病藥賤苦無醫難得音書便翻成邂逅奇
引年猶未及莫負 聖明時

武夷精舍

早時蒙養地晚節宦游途風雨一精舍溪山雙畫圖居常鄰道院交不廢緇徒
識者觀其達何曾累大儒

武夷采茶詞四首

荔支花落別南鄉龍眼花開過建陽行近瀾滄東渡口滿山晴日焙茶香
時節初過穀雨天家家小竈起新烟山中一月閒人少不種沙田種石田

絕品從來不在多陰崖畢竟勝陽陂黃冠問我重來意拄杖尋僧到竹窠

山茶產竹

窠者為上僧家所製遠勝道家

手摘都籃漫自誇曾蒙八餅賜 天家酒狂去後詩名在

用許蟠題詩岩事

留與山人

唱采茶

崇安梅容山明府貽武夷山志

芒鞋三度入名山，衰白重遊分已慳。今日圖經落吾手，巾箱攜得武夷還。

朝發小漿村暮抵紫溪途中口號四首

引得層層樹杪泉，高田瀉水及低田。占城旱稻移秧蚤，四月村翁掠社錢。

丹崖碧樹迥干霄，行盡巖關百里遙。日暮紫溪橋畔望，鷺鷥如雪點青苗。

編茅樊竹作村莊，樟樹花傳處處香。漫說兩邦封壤接，狹鄉終不及寬鄉。

出唐書
食貨志

鉛山道中

龜趺埋沒泥沙底，翁仲欹斜草棘間。漸覺先朝餘澤遠，耕牛犁到費家山。

重至南昌感舊

官步門前柳拂頭，早年曾作豫章遊。兩朝文物多經眼，千里江山復入舟。宿草

泪深懸榻地孤蹤分絕寄書郵篋中一卷西征集更與何人共唱酬

登滕王閣

高凌碧落俯層瀾老眼重開一大觀笑閱星霜如隔世癸亥甲子間曾遊此閣今三十餘年矣閱

思今古幾憑欄帆移雲影千山動湖納江流万頃寬時江水暴漲丈餘沙洲皆沒校是詩翁

無筆力不留名姓避王韓

飲胡都閩德菴署中荷亭上二首

三十餘年話舊遊也曾投筆覓封侯邯鄲枕上夢初覺一笑看成兩白頭庚申辛酉

余客黔陽幕府胡時以武科從軍

柳外風來灑面涼雨餘三畝好池光借君酒盞勸君醉莫負滿亭荷葉香主人善飲

故戲云

端陽前二日遊北蘭寺四首時李暘谷挈榼小飲列岫亭葉素我尊聞

姪楨兒俱在座

北蘭寺在沙城北旁置孤亭縹緲間碧樹陰交三面暗獨留一面對西山

彩旗畫鼓沸中流想像蛟龍晝出遊今日無人觀競渡去年此地有沉舟

時堂事嚴

禁競渡

若將世法苦相繩何地能容世外僧來往風流今已矣居人猶說宋中丞

傷老僧淡

雪也

元氣茫茫散不收尊前聊記五人遊衰年未必能重到更為斜陽作少留

李壻暘谷追送於滕王閣下臨發歸舟二章留別

去便經年隔來為半月留那無兒女戀偏動別離愁落日當高閣清江帶小舟

臨行一杯酒衰暮重回頭

清德尚書後尤宜愛此身一村無兩姓

宗伯公世居吉水之谷村聚族至二千人

八座有重親壻雙親俱

早世而祖母劉太夫人尚在養子出須斟酌吾歸合隱淪相思還命駕後會豈無因

晚渡鄱陽湖夜泊瑞洪

黃梅連日雨濁浪入湖平沙柳曾邊沒霞天鳥外晴岸容移晚景風色緊歸程

忽報帆飛渡前村戍火明

行經貴溪縣赴同年王辰幟之招卽席分韻

花草瓊林語於今十二年君方行綰綬我已賦歸田邑有延賓館門停載酒船
慚非徐孺子此榻為誰懸

廣信舟中望靈山

頑石四百里自安仁至鉛山河口臨江石山狀如覆盎草木不生茲焉秀獨鍾翠屏三十六不數九芙蓉

五月二十六日到家驚聞兒建京師訃信傷慘而作七首

去歲夏四月兒來告行期我時臥在床汝去故遲遲我欲速汝出慰汝以好辭
為言吾雖衰歲月尚可支銓除汝已及行且把一麾勿論地遠近三年望旋歸
詎料凶問來哀哉甫及期兒亡於四月九日此語恍如昨此情痛難追

一家仕同朝出處分相謀父既罷官去子當偕歸休奈何復遣行夙疾況未瘳
致汝道路死非汝命不猶為父實不仁自傷還自尤嗟嗟悔已晚餘憾徹九幽
延陵喪長子其殮服以時反服有苴麻童僕或未知倚賴者季父視汝猶視兒
稍用慰老懷附身審所宜一棺隔江河魂氣無不之庶幾先入夢報我歸來期

祖宗二百年庭誥閑有家自汝爲吾子勞少愛頗多粹質本性生不煩追琢加
豈惟弛扑教抑且忘叱呵自從處庭幃迨試政事科所至靡失德後生可觀摩
天若假以年成就當如何嗚呼今已矣家運薄則那

兒初宰東鹿律己慎以清 天子實嘉乃

綸褒爲我榮

癸未七月余隨避暑口外一日

上

遣內侍傳

諭云汝兒子在東鹿居官清慎朕已知道時同直諸君皆爲余稱慶

安溪賢相公謂汝性朴誠不讓古循

吏行當大家聲

今相國安溪李公時巡撫北直兒備員屬下極荷知愛嘗入南書房語余云即君天性朴誠居官廉潔大有循吏之風所到未

可量也

生邀 君相知既沒保令名恩深一未報改秩俄殞生

兒由刑曹郎陞授鳳翔知府命下

一月而沒

頭銜亦何用聊可書銘旌

兒生乃冢孫及見祖考妣祖沒五十三兒齒十一矣兒亡四十八少祖五年耳
家世孰高年吾今踰六紀人間愧爲父地下愧爲子孰與遊九京顏齡諒無幾
向涉釋氏書死生委達觀乃復爲兒輩白頭作悲酸有情則有生生理斷故難
親知苦相勸至痛非旁寬有時強自排觸緒仍万端神傷不在外老泪無多彈

敬業堂詩集卷四十四

南遊歸元會... 哀世悼前... 旅生以... 一民... 山... 東... 天... 天... 斷...

哀世悼前... 旅生以... 一民... 山... 東... 天... 天... 斷...

旅生以... 一民... 山... 東... 天... 天... 斷...

一民... 山... 東... 天... 天... 斷...

山... 東... 天... 天... 斷...

東... 天... 天... 斷...

天... 天... 斷...

天... 斷...

斷...

斷...

斷...

敬業堂詩集卷四十五目錄

吾過集

楊致軒偕諸子枉過敝廬

蠓奴歌 并序

答施自勛

八月晦日榆村季方曾三芝田諸兄

弟偕過桂堂小飲次芝田韻

第六孫生

聞德尹患風疾將上章乞休寄懷二首

重陽後一日季方兄招同諸兄弟龍尾登高

題龍尾山僧舍

朱乾若輓詩二章

衍齋惠香櫟戲答二絕句

偶過兩梧齋看菊別後得二十韻寄

主人楊致軒

訪陳侍御梅溪郊外新居二首

座主宗伯許公再邀楊晚研陳宋齋梅溪及余為五老之會席上分賦二

章時立冬後四日

牆根冬菊

禾稼初收野眺作

題杜集後二首

讀莊子內篇八首

十一月初七夜紀事

庭卉具萎手除枯莖

兒建歸櫬權厝西阡

閱邸報北直學使交替有人知德尹歸期不遠矣作詩志喜四首

蠟梅宋以前未有賦者東坡山谷后山少游始見於吟詠率皆古體而不

入律王平甫陸務觀尤延之楊誠齋各有五七言律詩方虛谷瀛奎律

髓選附梅花類中雪窗披覽頗不愜意適友人折贈此花信手拈筆非

敢與前賢較工拙也
同詩及雜詩 過德尹城中新居十二韻

雪後次東坡韻二首
雪後次東坡韻二首 丙申二月雨雪連綿援筆排悶

積翠樓古柏恭次座主宗伯公原韻二章
續全

盆中鴛鴦梅戲次許東垞韻
此蜂

二月杪偕諸兄弟西阡看梅集句 又一首

三月三日塘西卓氏園看梅
雨後玉蘭未殘適德尹自武原歸飲

其下此樹弟手植者
馬衍齋筮易得漸二爻既以名其居

復繪小影坐磐石旁竹垞老人舊書于磐二字今以圖來索題附綴數
語義盡於卦無取旁求也
三年前手植牡丹閏月始花吟成八

韻

大雨枕上作

閏三月十一日拙宜園牡丹之期時晚研將赴密雲城工兼以送別四首

腰痛自嘲

苦雨歎

海塘歎

蠶麥歎

復愁四章

敬業堂詩集卷四十五目錄

蘇東坡詩集卷之八

蘇東坡詩集卷之八

蘇東坡詩集卷之八

蘇東坡詩集卷之八

蘇東坡詩集卷之八

蘇東坡詩集卷之八

蘇東坡詩集卷之八

蘇東坡詩集卷之八

蘇東坡詩集卷之八

蘇東坡詩集卷之八

蘇東坡詩集卷之八

蘇東坡詩集卷之八

蘇東坡詩集卷之八

蘇東坡詩集卷之八

蘇東坡詩集卷之八

敬業堂詩集卷四十五

海寧 查慎行 悔餘

吾過集

起乙未八月
盡丙申四月

自聞建兒之訃三月無詩中秋後三日楊致軒太守偕令叔東崖施子自
勸過慰流連信宿聊資觴咏排遣哀情夫喪明之戚賢者以為規吾何人
斯敢不知過乎

楊致軒偕諸子枉過敝廬

老抱延陵痛經秋只自悲感君攜伴至慰我斂眉時久別可無酒有情聊賦詩
勿嫌芳草月今夜過牆遲

蠓奴歌

并序

海中有小蟹寄居螺殼中兩螯四跪外向能行按本草蟹大如錢居蚌腹
者蠓奴也昌黎云入者主之出者奴之今乃以入者為奴耶戲作歌索諸

子和

介蟲三百有六十蟹族爬沙乃其一旁加入跪撐雙螯帶甲橫行風雨疾無端
幻作腹居蟲竊食蠟肉專其宮吾聞出者為奴入者主主今安在奴稱雄吁嗟
乎大魚噉多鰕組泣觸蠻蝸角爭方急鵲巢古亦有鳩居燕室終須防雀入

荅施自勛

才子生同邑陳人喜得朋每蒙詩見及祇覺愧難勝薄俗餘孤賞虛懷去一矜
好傳橫浦集彥執有雲仍宋施德操字彥執吾邑人也與張子韶友善橫浦集
中與彥執尺牘及唱酬詩甚多自勛豈其苗裔乎

八月晦日榆村季方曾三芝田諸兄弟偕過桂堂小飲次芝田韻

夢裏悲歡覺者誰流光去我杳難追重尋老圃看花約已失中秋坐月期委蛻
子孫聊自解時榆村兄有
殤孫之戚在原兄弟詎勝思余時適聞德尹
病風辭免之信達觀至竟談何易

除却銜杯百不宜

第六孫生

東吳方喪子次息又添孫歌哭於斯室與衰視此門家貧寧計口客至且浮尊

敢料成童日吾猶月告存

聞德尹患風疾將上章乞休寄懷二首

道遠傳書少年侵感事多忽聞君末疾轉益我沉痾家運衰如此朝恩重若

何勿將身試藥時世少醫和

食新吾自幸屈指又三年偕隱原初約當歸那問天婢牽蘿補屋奴縛草爲船

慚愧分甘意寬心及目前大兒身後多官逋第許分結茅之資以慰余懷

重陽後一日季方兄招同諸兄弟龍尾登高

鼠船昨夢隔漁洋柁杖相攜又故鄉海蜃浮空呈寶刹石龍渡水得殘岡嘉禾

野潤初收雨綠樹村濃未翦霜愛惜眼光留足力年年來此作重陽

題龍尾山僧舍

龍形蜿蜒三四里起伏隄尻露顛趾秦鞭怒爾屹不移鑿斷其腰曳其尾龍腰俗傳

秦始皇所鑿何年一掉鱗甲摧蛻骨化石凝堅胚山僧負土補石縫長養松竹從嬰

孩駢青聳翠飯佛力鎮以精藍高岌岌鼉鳴鯨吼海外聞樵唱漁謳月中入回

首茫茫禹九州茲山奚啻一浮漚蘭單合是疲牛路老矣猶能賦近遊東廣微近遊賦

駕蘭單
之疲牛

朱乾若輓詩二章

名高無顯晦業富有淵源家自傳聞學身嘗到孔門

兄系出紫陽會設教於衍聖公家

荒榛誰

與闢碩果幸猶存豈意龍蛇厄頻傷好弟昆

與三子懷兩兄十年來先後俱下世故云

白頭歸已晚索寞感離羣昨歲猶過我今朝又哭君恍疑神理接不謂死生分孰是辭無愧來題有道墳

衍齋惠香櫞戲答二絕句

磊落筠籠五十枚清香分供佛前來敢同賣菜還求益待覓根株自接栽也擬塔前種一枝老人作計太迂遲心知證果非難事眼見開花是幾時

偶過兩梧齋看菊別後得二十韻寄主人楊致軒

貧家無菊看一棹訪城隈且喜經霜在非關冒雨來秋光如我待病眼爲渠開百本紛成列千頭疊作堆枝枝疑並蒂朵朵儼重臺倚賴扶身竹因依帶土苔淺深微別色高下悉呈材涼蝶窺簾度慵蜂拂檻回差堪登瓦缶直可勸金罍

花及兼旬賞根須隔歲培相逢雖邂逅臨別尚徘徊預作東籬計分苗手自栽
訪陳侍御梅溪郊外新居二首

見說新居好幽尋不待招年豐禾被坂潦退水平橋改路侵桑柘爲鄰傍緯蕭
涼風吹白恰來問郭西樵

海氣孤村外秋聲萬木間名方高洛社夢不點朝班閱世隨流水安身比太山
傲他軒冕貴投老遂長閒

座主宗伯許公再邀楊晚研陳宋齋梅溪及余爲五老之會席上分賦
二章時立冬後四日

又作名園三日留款門人各有扁舟宵能縱酒晨還醉晴便登山雨卽休且喜
大家添一歲未應高興減前遊黃花已老丹楓嫩斟酌初冬勝晚秋

勿論雪北與香南谷水東西亦有庵行處人言星聚五序來吾忝齒居三緇黃
世外關存沒是遠上人仍入坐南山張道士已下世風月尊前助笑談錯料詩成如噉蔗後來居

上得無慚晚研梅溪兩家令子俱從遊詩又先成故戲云

敬業堂詩集 卷四十五

二一中華書局聚

牆根冬菊

直自陳荻發何煩客土移近根除蠹葉藕草出卑枝點綴荒蕪徑支撐缺壞籬
栽培初少力敢怨作花遲

禾稼初收野眺作

窮鄉十年九旱潦嘉種歉歉蕃庶草秋來雨幸不成災安慰人情眼前好溪南
肥稔百頃田縱橫蚱蜢飛連天黃雲捲盡霜野闊放眼直到南山邊新春家家
催相杵倚杖閒聽鄰叟語偶然村社飽雞豚久矣官倉肥雀鼠

題杜集後二首

此老原非諫爭姿許身稷契復奚疑可憐官馬還官後徒步歸猶號拾遺
漂泊西南且未還幾曾蒿目委時艱三重茅底牀牀漏突兀胸中屋萬間

讀莊子內篇八首

世人耳目隘直與蜩鳩鄰焉知天地間乃有鵬與鯤小窺大不盡大視小不倫
吾遊非彼適彼笑非吾聞

彼此一是非有一斯有萬於中強分別間不能以寸齊之以不齊兩俱置勿問
方將與物化何有乎物論

其意在詆儒其說乃近仙其源發乎老其漸流爲禪養生徒養形木寇膏自煎
是形無不盡薪盡而火傳

死生非二理出入同一機人皆有故鄉弱喪昏不知千載旦暮遇淵明悟其微
南山舊宅在逆旅終當歸

生本玩世人初未忘用世觀其審出處亦重君臣義用世必以言忠言或取戾
所以遁天刑寧甘爲世棄

人人兩其足恥與兀者徒向非德內充有足不啻無外形而形全內神而神腴
形神兩皆寓是謂內外符

讀書自得師深淺隨所到當其快領會何異朝聞道勞生佚以老反覆覺語妙
妙處老方知毋輕示年少

耆欲必有開聰明出乎鑿自從渾沌死天下無純樸帝王遞相嬗泰氏不可作

世運日趨澆滔滔繫誰覺

十一月初七夜紀事

未年建子月村舍宵喧厖老夫衣服冠起坐中心摧女媧石破碎猛雨噴空來
風勢助颯颯雷光走焯焯孤陽五陰下匕鬯吁可哀復其見天心奮地乃出雷
我欲祝雷公馳聲徧九垓毋徒震百里號號驚童孩又欲禱風伯非時掃氛霾
明兩日重光天門誅蕩開五行有常變數以反覆推孰者主張是瑞或生於災
世運視斡旋人情仰昭回露生亦何事蟄戶行復培

庭卉具萎手除枯莖

條蔓天生弱況兼水霰加過時多悴物經眼卽空華芒刺除三逕蒸薪共一車
但看枯穢盡何種不萌芽

兒建歸櫬權厝西阡

自得淮南信輒歸報有期遠慚羸博葬近慰首丘思魂魄孫隨祖水霜父哭兒
一號臯某復望絕倚門時

閱邸報北直學使交替有人知德尹歸期不遠矣作詩志喜四首

冬來日日望迴輪邸報遙傳信漸真客病也應資藥餌長途未可恃精神官隨

年限纔經臘

第於去冬赴任及是僅滿一年

農告歸期正及春勞動里中羊酒賀一家遂有兩

閒人

王介甫詩有豈容家有兩閒人之句故云

舊莊喬木蔭茅茨六十餘年黍一炊卯角光陰雙鬢改釣遊蹤跡兩心知交頭

對倚花前杖斂手閒看劫外棋見說漢廷偏愛老申公免病故遲遲

盛事依稀記玉堂後先出入總 恩光魚潛樂莫如同隊雁序歸仍不亂行忍

便析居違丙舍尙煩刻碣表瀧岡經勦績火原家法相戒兒孫勿去鄉

長虞晚節相從少豈料歸期不約同

第今年六十四與余引疾之歲恰同

架有圖書延客座堂無

絲竹變鄉風桑榆贍飽温噉味梨棗粗收長養功校勝蘇家好兄弟對牀來作

白頭翁

蠟梅宋以前未有賦者東坡山谷后山少游始見於吟詠率皆古體而

不入律王平甫陸務觀尤延之楊誠齋各有五七言律詩方虛谷瀛奎

律髓選附梅花類中雪窗披覽頗不愜意適友人折贈此花信手拈筆
非敢與前賢較工拙也

閱盡嘉平臘來爲最晚芳冰心含淺紫雪瓣吐嬌黃後菊偏同色先梅別有香
百花多釀蜜容爾占蜂房

過德尹城中新居十二韻

再得歸田一紙書喜於身自挂冠初城隅別儻三間屋戶外高懸四望車飽閱
官情知進退好還天道任盈虛豈惟太息傳供帳頗覺謹聲動里閭應接稍防
生客擾往來寧慮舊交疎囊衣事偶同王吉襍被人應諒魏舒世上名皆身以
外曆頭冬是歲之餘巢成古樹寒依鵲檻俯清池夕數魚膝下諸雛看漸長燈
前二老笑相於小時至性君猶在病起精神我不如良夜且爲無事飲明年仍
擬故林居園廬早晚梅花發已遣家童預掃除

雪後次東坡韻二首

繞屋聞聲已散鴉到門無逕可停車雲端海日峯峯玉畫裏山村樹樹花酒上

衰顏聊遣興詩經白戰自成家
梁園賦客爭工拙未抵先生手一義
亦知天色朝來好不奈風威分外嚴
笑指屢屢供爨蠟戲搏師虎作形鹽
晴綿未拆猶鋪逕冰筍俄長欲墮檐
最是瓷盆先得氣蘭芽已放兩三尖

丙申二月雨雪連絲援筆排悶

巡檐倚杖步蹒跚村巷泥深欲出難
二月風光三日雪閏年天氣半春寒
蟻浮竹葉杯常凍雀啣苔枝蕊未殘
好笑纖兒羣擲瓦不聞古井復生瀾

積翠樓古柏恭次座主宗伯公原韻二章

不知移植是何峯拔地今成天矯龍
左紐紋應儕老檜後凋名許配高松
柯蔭合烏呈瑞長公立岩時官侍御
香葉年深鹿絕蹤獨貫四時無改易
自天雨露正濃濃

蒼髯翠甲映于思不染人間半點埃
自倚孤根堅鐵石對抽雙幹出樓臺
陶家門外新栽柳王氏庭前手植槐
何似先生扶正直少陵古柏行扶持自是神階
庭成就柏梁材

盆中鴛鴦梅戲次許東垞韻

兩般顏色接栽餘香山詩樹接兩般花磁斗交花密復疎秦號一門承寵日尹邢雙美入

宮初淡粧濃抹休相妬傅粉施丹恐不如未免孤山高士笑笑他倚市又充廬

蚍蜉

大盜盜魯藏小盜盜墓木蚍蜉肯自量蜂蠶反余毒本根葛藟庇保己分良足

此外何不容坦而示之腹

二月杪偕諸兄弟西阡看梅集句

安得健步移遠梅健如黃犢走復來春花不愁不爛熳只恐花盡老相催集杜

又一首

兩岸山花似雪開劉夢得一杯一杯復一杯李太白勸君更盡一杯酒王摩詰二月已

破三月來杜子美

三月三日塘西卓氏園看梅

兩月春苦寒閉門兩雪中名園一昔到天氣初和融徐步盡深榛窅然苔逕通

中有古梅樹閱人自兒童余年十三四時讀書西水會遊此園今五十餘年矣花開子孫枝樹亦成老翁

不知幾易主孤幹如焦銅良辰與我期噴雪當晴空清香襲襟袂澹若松下風

夕陽墮林西纖月張虛弓慚將塵土足移入笙歌叢是夕沈氏叔姪置酒演劇故云

兩後玉蘭未殘適德尹自武原歸再飲其下此樹弟手植者

不負春來約新晴果到家手栽當檻樹眼見出牆花比雪偏能艷韋蘇州詩清詩舞豔雪

如瑜不掩瑕兩翁心竊喜何啻茁蘭芽兩點着花瓣俱成黑斑故有第六句

馬衍齋筮易得漸二爻既以名其居復繪小影坐磐石旁竹垞老人舊

書于磐二字今以圖來索題附綴數語義盡於卦無取旁求也

離于干即于磐起居無時惟石之安止以為巽兮木因乎山于陵于陸兮抑豈

鴻之所難

三年前手植牡丹閏月始花吟成八韻

爛熳三年約參差五尺叢稍遲因閏月最後領春工密葉深流翠狂苞怒發紅

扶頭香與力登頰酒無功日出光相射煙含態轉融憐渠風雨後慰我寂寥中

臺榭移難定笙歌賞易終不如離色界長伴白頭翁

大雨枕上作

雷雨軒窗動孤燈耿夜深老人渾不寐大有惜花心

閏三月十一日拙宜園牡丹之期時晚研將赴密雲城工兼以送別四

首

臨事從容意於君見一斑開園仍郭內置酒且花間世已難希古天應未許閒
寧聞白賓客垂老出香山

不道桑麻社中間有路岐幾時重會合此別各衰遲官罷貧誰諒身存病敢辭

隨翁心似鐵難得好男兒

東坡送子由北使詩隨翁萬里心如鐵自注猶子遲也今令子次也侍行故及之

草野聞朝議籌邊事不同鑿山甌脫外設險塞垣中路指屯雲戍城連避暑宮

河湟方用武勝策轉漕功

林下拋雙屐風前換短衣重為遠行役只望蚤旋歸王事程期迫京華故舊稀

莫令招隱地歲晚寸心違

腰痛自嘲

平生恥折腰疆直詭自訟謂從解組後帶眼稍寬縱寧知患苦纏百衲鬪一縫

向來所受病及是方覺痛養生論以覺痛之日為受病之始也欠伸兩不遂轉側需僕從抓搔性

復慵摩拊亦安用可憐血肉軀猥與蟣蝨共人間十萬貫騎鶴嫌腰重痛定吾

有時身輕行試鳳東坡詩身輕可試雲間鳳

苦雨數

十日五日雨脚稠皇天害物肯待秋左傳秋無苦雨服虔注云害物之雨民所苦野花委地不如草

林鵲置巢全為鳩雌蛺蝶飛何處去官蝦蟇叫無時休南山朝濟東海盜一老

書空方坐愁

海塘數

沙崩岸塌風駕潮潮頭勢與城爭高愚公移山或可障精衛填石誠徒勞海若

東來神鬼泣尾閭南泄魚龍逃邑興大役官乏費行矣板築須時操力役之征紳士無得

免者少陵云板築不時操今日之謂歟

蠶麥數

敬業堂詩集 卷四十五 八 中華書局聚

鳥鹵之地成梢溝

水激壘者為梢溝出周禮注

傾都委貨爛不收村姑尚以蠶命月野老曾

於麥望秋恤緯孰是織室者雜耕吾亦農家流縣符蚤晚急夏稅何暇更為百

草憂

黃涪翁云男女墮地衣食各有分齊安能感額為百草憂春雨耶

復愁四章

今年陰太盛四月雨尤狂渡口浮橋斷門前暴漲黃坐看千頃沒立致一村荒

歎息昂頭麥抽芽比穗長

二麥垂熟而未登芒穗中發芽長寸許目所未睹也

頓遣蒸薪貴難教米價低溼炊煙冒瓦罷汲井封泥俗累生誰免身謀老自迷

藜床經月臥拄杖不輕攜

古井長防塌先廬且幸存沉沉移白日耿耿向黃昏蟻穴乘瓢縫蝸涎上漏痕

此中無客到何用掩蓬門

箕畢占頻驗庚壬候總非鄰雞鳴不已梁燕乳相依賦肯憐蛙瘦人方羨鼠肥

樂郊何處所舍此我安歸

敬業堂詩集卷四十五

敬業堂詩集卷四十六目錄

夏課集

喜東亭弟瀆歸見過

自五月不雨至於六月二首

得雨

橘蠹化蝶

立秋夜雨晨起納涼

秋暑三絕句

題毗陵徐思肖詩卷後四首

七夕前二日同德尹濬安飲東亭齋

二首

秋庭

賦得雨中荷葉終不溼六韻

雨後行田

寄吳少融二十六韻

八月初四日放舟至硤石

西阡桂六韻

南堂桂八韻

偕季方東亭德尹曾三諸兄弟過東林庵

題周少谷杏林雙鹿圖為老友徐韓奕壽

臨平舟中

虎林與同年許莘埜話舊時初自蜀

歸四首

題安平泉上二首

曾濟蒼遠致秋蘭一本重陽前試花寄詩報之

世棄

吳起君重陽送菊至

後三日邀諸兄弟賞菊席上放歌

少睡

秃筆吟二首

問東亭病

際光

芝田長子字西山賢而有文游學京

師一病不起旅櫬還家詩以當哭兼慰芝田

冬課吟效擊壤體二首

棄裘

長至

望歲集

元旦喜晴

邑侯陳衡山壽十二韻

正月十八日偕德尹西阡看梅兼邀曾三芝田東洲諸弟同飲花下三首

及門樓敬思自粵西遠寄潯桂

贈杖

補屋海棠萎而復甦偕德尹芝田作用黃山谷體

再次芝田韻一首

聞副相揆公正月初六訃音小詩寄

哀四首

牆角郁李花盛放

連朝風雨園亭海棠零落都盡而瓶中折枝娟然獨秀老夫欲不誇爲佛力其可得乎

芥舟二首次祝尙于原韻

三月三日雨中潘竹村祝尙于周楚和三老人偕赴德尹之招翁源姪不至席上口占寄嘲

重宿寒中書齋

制府滿鳧山同年奉 詔巡海道經吾里詩以迎之四首

春盡日雨中招諸兄弟爲櫻筍會 德尹於得樹樓後築屋三楹旣成以

詩落之

偶過鴛湖

與靈上人餉龍井雨前茶二首

老友鄭寒村歿後五年其子義門攜愛蓮畫像過余屬題得二絕句

梅雨

德尹第四子滿月詩當祝辭

秋災行

盆中草花二種已含蕊矣朝來忽萎

中秋夜與德尹對酌

十六夜復與德尹小飲弟有詩次其

韻上入離情共兩情茶二首

秋花

五雜組九首

古詩四章

敬業堂詩集卷四十六目錄

三國志曰... 敬業堂詩集卷四十六目錄

長安其四首

長安其二首

敬業堂詩集卷四十六目錄

元稹四首

蘇軾詩集卷四十六目錄

再次芝田詩一首

蘇軾詩集卷四十六目錄

敬業堂詩集卷四十六

海寧 查慎行 悔餘

夏課集 起丙申五月
盡十二月

長夏家居與德尹約為書課弟方纂輯北史余點勘毛詩注疏中有疑義

互相剖析此情不異曩時所增者白髮耳

喜東亭弟瀆歸見過 時德尹亦
歸故居

艱辛憐遠別歡喜報初歸万事付彈指一門多拂衣侵晨移爾艇觸熱扣吾扉

相對成三老人間此會稀

自五月不雨至於六月二首

一月愁霖數三旬亢旱憂雲從火山出溪挾沸湯流魚鼈潛無所蝸蟻聒不休

氣衰尤怕熱計日望新秋

有客京華至為言赤地同不成驅鬼魅兼恐致蝻蝻奠瘞神何定精誠感或通

仍聞漢廷議策免到三公

得雨

海色昏昏合雷聲隱隱鹿羣情希沆瀣天意卸焦枯一漑功雖細千林氣稍蘇
篝車吾且祝不敢笑田夫

橘蠹化蜨

馬縞中華古今注謂蛺蝶一名野蛾生江南甘橘園中不知乃橘蠹所化也

橘蠹凡兩種食心與食葉食葉者速化勢如靈鬼攝語出關尹子朝為蠕蠕蟲暮作

栩栩蝶公然委其蛻雙翅巧開合却向故枝頭飛飛繞三匝漆園方大夢與汝
形相接試問前後身依稀在目睫

立秋夜雨晨起納涼

飛雨灑然過小窗殘月明微風動秋意草木為先聲故人何方來樊川詩清一風來故人

笑披衣迎端能起我懶天地非無情取用及須臾寸懷良已盈茲晨不兩日莫

負鷄三鳴

秋暑三絕句

秋暑不減三伏天杖藜隨我來谿邊跳蛙自得坎井樂上有夕陽高柳蟬

學書遠遜王右軍學弈無過王積薪日長如年大好睡小技何足勞吾神
布幔十幅當檐牙東南好風渾被遮床頭非無蚊繞鬢案上幸少蠅集瓜

題毗陵徐思肖詩卷後四首

郵筒寄我一編詩天然神骨清而奇騷壇家將生有種看取陣前姑蔑旗

宮體徐摛一變新傳家又得石麒麟年來咄咄欲跨竈莫怪阿翁誇向人

戲用東坡

尺牘中語

錢四才華世所稱乃郎筆力亦騫騰

謂同年錢綱庵父子

同鄉遂有兩勁敵詩派今屬南

蘭陵

狎主齊盟事不難並驅應許入蹄攢老夫合退三舍避憑軾試從壁上觀

七夕前二日同德尹濬安飲東亭齋二首

水淺菖蒲港船通皂莢橋為歡須永日相過後今朝草徑荒初闢桐陰薄漸凋

歸休真上策何待蚤招要

同祖如同父為兄忝伯兄家貧餘世業官滿得鄉評齷齪調藜糝廚薑芼蠶羹

向來疏酒盞一飽累經營

秋庭

秋來無一事物態頗相撩是葉須防蝕無根不耐澆
欹花危露蒂修蔓妥風條
滿目皆生意吾庭未寂寥

賦得雨中荷葉終不溼六韻

爾本池中物翻從溼得乾出泥莖濯濯帶雨葉團團散作千聲去
欹留一滴難
高低承翠蓋大小走珠槃灑脫渾無跡陰晴詎改觀肯同凡草木漏澤妄思干
雨後行田

水氣一村蛙晨光幾點鴉蛙風涼病骨衣露涉秋花正爾關農事兼之遠俗譁
桔槔閒挂壁勞苦及東家

寄吳少融二十六韻

時吳宰
壽光

忽忽三年別遙遙異地情索居雖潦倒結念每迴縈憶昨同晨夕惟君獨老成
吉人辭樸訥端士意肫誠躡步寧愁失冲懷敢自盈授經依北郭請業到西清

榻愧陳蕃設詩容顧况評出攜青鏤管歸傍短燈檠績學承名父高才敵令兄

少融爲梅村先生幼子西齋給諫愛弟

向來留著作兩度費咨呈自我辭書局憑誰問客旌九衢

千轍軌万事一基枰他日乘軒鶴當時出谷鶯先鞭輸祖述上第失楊英夜雨
新豐市秋風古灌城得官隨本分爲政且神明側聽衣冠誦如傳襦袴聲科條
煩是累民社寄非輕示俗因奢儉調絃戒改更免教同列忌休矯一時名此外
佳眠食其他簡送迎陳編閒肯廢古道力能撐便欲觀風去殊難抱病行撫躬
憂浩蕩回首歲崢嶸爲報鳴琴宰應憐撤瑟生西河餘痛在雙眼不曾盲

北碑 八月初四日放舟至硤石

習嬾常支戶乘涼偶放船渠清瓜蔓水露白稻花天夜氣鳴雞後晴光蕩槳前
地平先見塢高出万家煙

西阡桂六韻

手種西阡桂三年漸看長玉蘭輸舊翠金粟試新黃露重朝流潤牆低遠遞香
婆娑佳月色報會好秋光敢擬栽爲柱差堪署作堂丁寧松檜伴稍待共成行

南堂桂八韻

五桂階庭樹迎秋候蚤催著花多四出得氣必齊開自我先人植仍資造化培
好風香世界涼影月樓臺天上逃斤斧山中混草萊在家僧偶聚不速客頻來
時行齋東亭不期而會 豆筴瓜瓢味兄酬弟勸盃最宜星露下永夕與徘徊

偕季方東亭德尹曾三諸兄弟過東林庵

北郭吟筇罷東林講席收
憶四十年前陪范文白先生來遊事 能無三宿戀復作五人遊攬掃庭

常潔賤題壁尙留影前香一瓣來往記風流
時坐旋法師影堂

題周少谷杏林雙鹿圖爲老友徐韓奕壽

杏爲仙人林鹿是仙人友少谷寫此圖卷舒落吾手愛其粉墨久若新畫义挂
壁濃香熏朝來詩成畫亦往持以贈君兼壽君與君論交從壯盛通介看成徐
邈聖我如麋鹿爾爲羣豐草長林同此性

臨平舟中

作雙白鷺起前汀西望山光的的青暗數永和隄畔路
宋趙誼父過臨平詩一居人猶號永和隄

橋十里似長亭

虎林與同年許莘楚話舊時初自蜀歸四首

烹鮮滋味定何如叱馭行經萬里餘今日秋風吹櫂轉江鄉原不少鱸魚

冷曹需次問何司剩許閒編楚道詩五角六張成底事人間吉日是歸期

旗鼓相當膽氣麤生平事事不曾輸輸他對我誇年少漆點烏絲一尺須

同年難得況同鄉久別重逢感歎長百五十人餘幾在勸君狂得且須狂

時連聞劉

大山陳巨高李時夏三同年凶問狂得且須狂借用香山成句

題安平泉上二首

自從兩乳垂天目中有神龍不測淵直到臨平山脉斷尚淳一眼在山泉

我讀咸淳潛守志曾收元祐罪人詩摩挲一片竹間石好事僧稀問向誰

南宋潛說

友咸淳臨安志云仁和縣安隱院地產曲竹竹間有池名安平泉東坡題詩云云按東坡題安平泉七律一首集中失載余曾采入補遺卷中今至泉旁尋碑

碣不得故云

曾濟蒼遠致秋蘭一本重陽前試花寄詩報之

廣文能好事貽我婺州蘭不共三春賞翻從九日看同心如爾少獨立後時難
待作幽人佩清香可耐寒

世棄

世棄身何與身閒分已過讀書新得少見夢故人多黍熟來初釀池荒足敗荷
東籬佳節近不醉擬如何

吳起君重陽送菊至

今歲寒氣蚤應節微有霜

是日霜降節

開門得君書遠致籬下黃瓦盆三十本羅列

成重行端如衆君子正色登我堂吾衰萬事慵酌酒不盡觴何以會佳貺託詩
紀重陽

後三日邀諸兄弟賞菊席上放歌

吾鄙吳生字起君知余雅好忘余貧扁舟送菊乃無酒正及九九清霜辰招呼
近從南北巷假借半出東西隣後庚三日稍稍集義取兄弟不及賓有如田家
大作社杖白頭者凡七人合年四百七十二雁雁排翅魚排鱗天公貺我美風

日歲云莫矣行食新海蝦挾須白出縮蝦蟹負殼紅輪困木瓢木杓傳父祖中
貯兼味清而醇興來大壯客顏色詩好全得花精神人間所歷皆夢境至樂孰
與田園真勿辭醉插滿頭去一笑正落陶家巾

少睡

秋去寒猶薄冬來夜總長堦前黃葉滿門外朔風狂舊得休心法新傳養目方
癡兒憐少睡檢曆勸移床

秃筆吟二首

久被宣城束縛加鐵梳膠綴老年華耗磨毛遂囊中穎零落江淹夢裏花縱不
封侯追定遠誰能銘冢向長沙畫工掃壁休嫌秃會見麒麟出咄嗟
書不中書觚不觚也曾東抹與西塗姜牙斂手輸雞距虎僕藏鋒讓鼠須墨沼
涸逃蓬館債硯田荒貸管城租免冠一博秦皇笑差勝中山穴處徒

問東亭病

天末清貧吏身還病亦隨用巫真下策勿藥得中醫

語出漢書
藝文志

瘴霧侵肌重冰

霜造物慈入冬思合釀爲爾尙遲遲

毛詩箋入必共族中而居又有祭脯合釀之歡

隙光

隙光野馬去如馳正是先生靜坐時病不求醫吾有命老方學易世無師回思少作雕蟲比轉悔餘波綺麗爲喚起景陽來入夢擲將殘錦乞去聲丘遲

芝田長子字西山賢而有文游學京師一病不起旅櫬還家詩以當哭

兼慰芝田

天心洵茫昧家運關彼此可憐兩長男相繼俱客死

亡兒歸柩去冬亦於十一月到家倚闥冰

霰後歸櫬風霜裏割愛難以慈奪情莫若理明明聖賢教五十不致毀父母恩且然矧乃施於子吾本同痛者勸君兼自慰知其無奈何安命而已矣

冬課吟效擊壤體二首

炳燭餘光已可知假饒聞道敢云遲故人問我三冬課六十年前上學時

順治丙申

余七歲方就傳

畫前有易易如何刪後無詩詩倍多更向誰邊討消息水從冰後不生波

棄裘

禦冬年已久毛禿僅皮存等是犬羊轉永辭狐貉温留之竟安用棄爾似無恩
改作吾何望茅檐去負暄

長至

天地有肅殺微霜爲驅除洎乎冰雪交慘者旋以舒來復子之半始凝履之初
何須當既剝然後觀盈虛

五望歲集起丁酉正月盡九月

三年來元日連遇風雪歲事不登生理日窘朝來天色晴霽農占其有秋
乎老圃望歲殆同老農也

元日喜晴

一從朝請廢冰雪博高眠却展山中曆重瞻霽後天兒孫粗識字兄弟繼歸田
此外非吾分隨人望有年

邑侯陳衡山壽十二韻

海角桑麻邑沙灣烏鹵田極知吾土瘠端賴令君賢侯到纔期月民勞已有年
上官頻按部下戶忍施鞭利器無盤錯長才展事權緩征舒積困雇役免齊編
酌劑心良苦橋虔弊悉捐政成單父速名媿太丘傳麗澤三春渥仁風百里宣
初辰花照座佳氣柳含煙里老霞觴後村童篠馬前也應容野史來奏雅琴篇

正月十八日偕德尹西阡看梅兼邀會三芝田東洲諸弟同飲花下三
首

西麓寒梅樹年年二月開今年開獨早應爲兩人來
已是四回看憐渠閱歲寒同時手栽者松柏長偏難
隨意致芳鄰壺餐勝觥飯尊前一校點且喜人皆健

及門樓敬思自粵西遠寄潯桂

隔年一信到何遲寄我潯州菌桂皮已向籠中儲上藥只愁天下少良醫情深
遠荷門生致性在終於野老宜別與蘇家傳釀法搗香篩辣味尤奇

贈杖

倚賴支離叟扶持拙病翁長虞故步失不爲暮途窮世乏三年艾家無五尺童
用行吾與爾形影略相同

補屋海棠萎而復甦偕德尹芝田作用黃山谷體

前年爛若雲錦堆去年憔悴無花開今年芳意莽復回人情貪多似嫌少却是
花稀看愈好閱汝盛衰成我老白頭自白紅顏紅花如有語解勸翁夜闌莫放
清尊空

再次芝田韻一首

隔霧看花三老翁未甘白髮負春工一梢欲墮胭脂雪幾朶猶含蓓蕾風爛熳
人情沉醉後寂寥詩味卷帷中相逢莫漫嗟遲暮悟徹從知色是空

原詩有相逢可惜已

遲暮之句
故結句云

聞副相揆公正月初六訃音小詩寄哀四首

宮內稱才子臺端倚重臣得君時最早歷試品尤真嗜苦餘千卷門闕少雜
賓不知經幾劫還復有斯人

卿月三臺墮文星八座懸望高虛相業才大損天年謝客終成佛

生平留王喬
心內典

竟得仙所傷江鮑體無子孰流傳

憶昨歸田後情親分不移為憐吾已老長恐見無期急遞書頻達因風報輒隨

半年遲作答魂夢至今疑

何當承遠計豈是誤傳聞四海誰知己餘生又哭君有文披舊稿無酒酌新墳

不朽將安託從今硯擬焚

牆角郁李花盛放

碎霞剪綺綴繁枝

陸魯望郁李花賦
碎細綺剪明霞

偏反阿儺自一時春到軒庭無悴物又收

常棣入吾詩

連朝風雨園庭海棠零落都盡而瓶中折枝娟然獨秀老夫欲不誇為

佛力其可得乎

兩株芳樹全搖落泥汙臙脂亦可憐值得拈華成一笑風災不到四禪天

芥舟二首次祝尚于原韻

蜃樓鮫屋總非真，愛爾虛舟遠俗塵。
芥納須彌中有地，杯浮滄海四無鄰。
琉璃貯篋團團鏡，綫毯鋪筵寸寸茵。
容得兩人坐，否故應魚鳥自相親。

水滿坳堂柳拂梢，不須結字用香茅。
蠻有國爭蝸角，燕雀何心占鷺巢。
茶竈筆床人共遠，蔣牙菰葉影相交。
未能便作浮家去，倘許門從月下敲。

三月三日雨中潘竹村祝尚于周楚和三老人偕赴德尹之招翁源姪不至席上口占寄嘲

又是重三被襖期，招尋也復逐羣嬉。
地偏俗儉人多壽，歲美風和雨應時。
木芍藥花開正好，野醪醺酒醉何辭。
竹林一阮真疎放，不豫吾流太好奇。

重宿寒中書齋

桐又將花柳，又綿山齋一榻故依然。
曾偕老友成三宿，却話前遊過十年。
白髮昏昏中酒味，青燈黯黯讀書緣。
只憂海近沙頽岸，夜半潮聲撼客眠。

丙戌秋與竹垞連榻

齋中能無存歿之感

制府滿島山同年奉詔巡海道經吾里詩以迎之四首

十年翠蓋不南巡千里巖疆寄重臣看取隨身三五騎肯教供億累州民

水滋山陬被澤深兩邦旌節喜重臨每逢田叟停車語徧示 君王愛養心

畚鍤千家傍海壩崩沙日費水衡錢福星昨夜臨吳分斤鹵重開負郭田

雲帆星鳥駛經過海外風恬可有波一事尚煩公入告兩關歲課本無多

春盡日雨中招諸兄弟為櫻筍會

老去邀歡要及時肯緣泥濘阻前期舊年風雨正如此今日陰晴昨豈知入饌

朱櫻貪摘蚤翻堦紅藥笑開遲兄酬弟勸更番事但到尊前醉勿疑

德尹於得樹樓後築屋三楹既成以詩落之

五架三間屋千竿万个園竹深堪障日樹老莫傷根北牖斜穿沼南榮短界垣

景難兼奧曠意在適涼温粗遣規模具翻嫌布置繁移書驅壁蝨品石斥湖龜

雞柵寬螻螳牛宮祝子孫誰為張老頌聊托仲長言謝康樂山居賦仲長願言流水高山幸爾留

閒地容余補壞樊一菴何日就笑指畫圖存

偶過鴛湖

村北村南綠滿陂溪山百里放船宜鳩鳴甚熟蠶三起燕掠風梢麥兩岐乍煖
故知非兩侯薄遊何必定花時兩湖地主今誰在每到徒增感舊詩

與靈上人餉龍井兩前茶二首

風篁十里郎當嶺官焙爭收粟粒芽慙愧老僧親手摘青紗蠟紙餉山家

今年穀雨兩廉纖茶味全勝笋蕨甜正自不嫌山少肉肉山無此好毛尖

老友鄭寒村歿後五年其子義門攜愛蓮畫像過余屬題得二絕句

自脫朝衫換幅巾祇應營道想前身
脩然出處行藏外誰識完人是半人
寒村晚年

病風能以左手作書畫自號半人

更有何人識雅懷一琴橫膝對花開
多慙後死黃山谷曾見光風霽月來

梅雨

半月濛濛雨千畦釋釋耕麥租雖未入米價漸將平
屋老礎長潤庭虛苔任生
吾脾方畏溼却立候新晴

德尹第四子滿月詩當祝辭

多男孰云累晚境人尤羨薛鳳乃踰三荀龍剛得半家門增喜氣當暑清風扇
膩髮搓成團貫之五色線耿耿垂大耳皎皎開方面出左傳注騰上所未知豐下已
可見我來拊汝頂為汝祝初旦一祝兒長成再祝爺強健三祝好弟兄他年相
友善

秋災行

西流之火方蟲蟲兼旬不雨亦不風先庚後庚凡五伏秋暑酷於六月中河流
旱乾田拆罅誰遣天吳來潤下淡塘灌注味作鹹仍恐良苗變枯稼天乎降割
此一方相怨勿謂民無良神疴鬼瘡何處避且死那復論流亡老夫本病在腰
腹不受淫邪外來觸只餘雙耳未全聾忍聽村鄰百家哭

盆中草花二種已含蕊矣朝來忽萎

霜後冬收子春來雨發芽關心經夏旱滿眼望秋花忍負栽培力徒勞灌溉加
童烏苗不秀能免子雲嗟

中秋夜與德尹對酌

今夕是何夕弟兄俱在家狂吞杯底月笑指霧中花老子興不淺達人
生有涯底須愁後夜圓影蝕蝦蟇

十六夜復與德尹小飲弟有詩次其韻

既望猶未望今年異往年連宵雖博醉老景劇相憐但有兒搖膝何須客滿筵
好詩能賽月脫口自清圓

秋花

雨後秋花到眼明閒中扶杖繞階行畫工那識天然趣傅粉調朱事寫生

五雜組九首

五雜組玄黃帛往復還牛馬跡不得已主避客

五雜組新嫁孀往復還遊冶郎不得已時世粧

五雜組雙鴻鵠往復還兩蚊蝶不得已君棄妾

五雜組刺繡手往復還貝錦口不得已掩耳走

五雜組蠻貊能往復還井轆轤不得已歸來乎

五雜組羅浮雀往復還華表鶴不得已生處樂

五雜組青紫楦往復還新舊券不得已錢神論

五雜組蝶戀花往復還蜂趁衙不得已東西家

五雜組采染綃往復還燕覓巢不得已思故交

古詩四章

天荒地亦老變化蕃草木自從開闢來悅人以紅綠有榮斯有瘁坐覺流轉速
傳語好風光寧能銜無目

衆虬國大槐擾擾成侯王莊周化蝴蝶與物亦未忘至人豈無夢夢則超形相
蟲螳所不爭是曰華胥鄉

域內有名山攀躋力可至人皆造其麓抑或半嶺廢歸來述所見彼此不相似
等是未登峯毋爲笑平地

徒歌易成謠獨唱難爲喁我琴誰我瑟我鼓誰我鐘知音苟弗存奚取覲面逢
遙遙千載下或有牙與鍾

敬業堂詩集卷四十六

早發

桐廬

生平不交官之故後以高隱目之作一首以表其

三橋渡中口號四首

早發

舟登五山

重陽節感懷

龍舟阻雪

雪後感懷

南岳與友別次定齋韻

題石鼓文

早發

舟登五山

早發

舟登五山

五... 三...

五... 三...

五... 三...

五... 三...

五... 三...

五... 三...

五... 三...

五... 三...

五... 三...

五... 三...

五... 三...

五... 三...

五... 三...

敬業堂詩集卷四十七目錄

粵游集上

將有嶺南之行雨中過龔蘅圃侍御田居話別

早發富陽喜晴

桐廬

楨兒作釣臺詩未識嚴先生不受官之故徒以高隱目之作一首以廣其

意

三衢道中口號四首

早發常山大霧

舟發玉山

重過貴溪與同年王辰幟明府

龍津阻雪

雪後渡彭蠡

南昌遇袁州太守葛廬賓二首

南昌旅次答吉水令湯納時表弟見懷四首

雨中早發南昌留別李壻暘谷

豐城縣北十里磯頭山上有曲江祠

朱文公往還湖南時與李後湖姚雪山遊此後人因奉粟主以祀三賢

詳見李崆峒祠記中今以韋武陽易後湖者訛也

樟樹鎮 李彭 泥溪口枕上聞雁

峽江縣 李彭 雨中望玉笥山 李彭 三寶

過桐江口不及訪同年李培園侍御以詩代東十里鄒頭山 李彭 三寶

螺山文丞相祠 李彭 青原淨居寺七祖道場

白沙渡 李彭 泰和城外望快閣 李彭 二首

十八灘絕句 并序 王氣 惶恐灘

早標神灘 李彭 快綿津灘

大料灘 李彭 三小料灘 李彭 四首

武索灘 李彭 曉灘 李彭 一首又

早崑崙灘 李彭 梁灘

青洲灘 李彭 銅盆灘

落瀨灘 李彭 狗脚灘

大壺灘 李彭 小壺灘

樂業堂 李彭 四十一目錄

天柱灘

橫弦灘

鼈灘

自贛州換船至南安

過南安傷陳六謙太守

與大庾令李阜如同年

度梅嶺題雲封寺壁

衣鉢亭

發南雄凌江方涸舟行一日纔十許里排悶成歌

偶閱楊誠齋南海集途中多賦桃花且有梅花應恨我來遲之句余度嶺

正值梅放時戲效其體作一絕 晚過始興江口再效誠齋體二首

冬暖

望韶石二首

韶州風度樓

雨發韶州

虎頭磯歌

十二月廿一日雪

彈子磯阻風

觀音巖

英德道中雪霽

英山二首

舟中卽目

順風挂帆連下瀘陽香爐清遠三峽

清遠峽飛來寺

胥口村

白塔岡浮石

沙口待潮

初至廣州與大中丞修陶菴同年話舊六首

寓居仙湖街庭桂盛放

除夕廿一日雪

謝中丞餉節物

五言詩

雜詩五首

五言詩及雜詩效其體計一紙 雜詩效其體計一紙

敬業堂詩集卷四十七目錄 中丞謝中丞餉節物

雜詩效其體計一紙

敬業堂詩集卷四十七目錄

敬業堂詩集卷四十七目錄

敬業堂詩集卷四十七目錄

敬業堂詩集卷四十七目錄

敬業堂詩集卷四十七目錄

敬業堂詩集卷四十七目錄

敬業堂詩集卷四十七目錄

敬業堂詩集卷四十七目錄

敬業堂詩集卷四十七

海寧 查慎行 悔餘

粵游集上

起丁酉十月
盡十二月

丁酉夏同年有自都下來者傳修陶菴中丞意遲余作粵東之遊背秋涉
冬畏寒擬不出矣余弟查浦曾三至其地間語余曰嶺南無霜雪且兄生
平游蹤所未到盍一往焉遂於十月初俶裝明年四月由粵西旋里往反
左言幾二百日檢點道中詩約如其數分上下兩卷錄存之
將有嶺南之行雨中過龔蘅園侍御田居話別

小別倏三載相望渺參辰舊交半在亡邂逅得兩人喜汝罷官後田居傍城闔
我來叩門入迨此風雨晨問我將奚之有懷難具陳白頭萬里役正坐不耐貧
頽年知幾何復爾聚散頻篋中有佳句在遠情彌親

時侍御以田居
詩藁屬余作序

早發富陽喜晴

午辭樟亭驛夕抵富陽宿霜日曉初晴烟江寒更綠雞鳴茅宇近鴈下潮田熟

萬株楓柏林散作錦繡谷平生山水與臨老猶未足聊復紀初程清吟待茲續

桐廬

山偏不可城千家聚成邑民居半商賈仰取俯有拾斬爨起炭烟割林收漆汁
托身覆載內生理隨分給壯年不早計暮齒行已及莫怪杜陵翁茫茫百憂集
槓兒作釣臺詩未識嚴先生不受官之故徒以高隱目之作一首以廣

其意

武宣馭下如束溼課職東京亦孔棘語見後漢書二十八將傳論一官直欲臣故人此意先

生應早識逃名事偶同高尚避辱心孤轉深匿羊裘一領却累渠苦被旁求相
物色伏波謗生蕙苡珠侯霸得罪由司徒客星非將亦非相吏議可得加狂奴
君不見璜谿老叟不自重出應于畋後車夢萬古江湖兩釣竿潛龍勿用鷹揚
用

三衢道中口號四首

水落灘尤窄輕舟一葦容機心與機事那免怨機春

沙際集飢鷺修翎冷自梳
孟嘗門下客大半食無魚
兩岸丹黃色千家橘柚林
勿嗤奴價賤顆顆鑄成金

明日川程盡聊爲半日停
多煩賢太守爲我致輿丁

謂斬培之太守

早發常山大霧

苦霧忽吞天去城不數武
如行襄城野七聖迷處所
初旭漸漸高寒光翳復吐
窅然墜醉夢旣覺乃停午
前瞻懷玉峯峯峯垂白縷
西江行在望未濟恐多沮

舟發玉山

高灘稠竹節尺水浮瓜皮
前經彈子渦膠淺時有之路
長景苦短坐送西南馳
却憶前年歸正當暴漲時
一程破三日上水宜遲遲
不謂下水船艱難亦如斯
人生順逆境閱世老更悲

重過貴溪與同年王辰幟明府

我昨停舟爾下車三年重到勝當初
冬來天氣晴尤美畫裏江山錦弗如
官況

不離文字外

時分校鄉闈頗稱得士

風謠閱續笑談餘象山亦是先賢蹟
好並鵝湖入志

書鉛山施明府重修鵝湖書院屬余編輯
志書貴溪管內舊有象山書院故及之

龍津阻雪

地少雲多處風饕雪虐時客程當歲晏天意警年衰輕出自成悔
湍歸更勿疑平生多類此既往可勝追

雪後渡彭蠡

雪山四望開彭蠡瀦其中天光落東北寒氣青濛濛獨往矯孤鷺
羣飛駕高鴻沙明洲澈出葉潰枝顛空此行向南州聊慰離別悰
三年女憶父千里兒隨翁生涯豈無涯作計誠匆匆寄謝宮亭神
歸帆幸分風遠遊興欲盡一咲非途窮

南昌遇袁州太守葛賓廬二首

懷抱因君又一開人間洵有出羣才勿輕僻左宜春郡曾屈昌黎作
守來南浦維舟不記巡眼前冠蓋一時新也知諸葛真名士來與貧
交作主人

南昌旅次答吉水令湯納時表弟見懷之作

四首

與君稱中表同是庚寅生以我半年長白頭忝爲兄
竭來寂寞遊奈此離索情

相望四百里一水空盈盈

隨身乏長物投贈殊彘彘子貧乃過我報以雲藍牋驗成十四章字字珠璣圓
稍增行笈重笑擲看囊錢

世降士不情矯廉競稱高萬鍾避蓋祿半李分躋螭達者殊不然寓形隨所遭
時無謝仁祖菜把恩亦叨

同里兩湯生一登青雲梯

謂西厓少宰

一滯百僚底長恐簿領迷烹魚漑釜鶩好音

良可懷逝將掃吾軌歲晚期汝偕

雨中早發南昌留別李壻暘谷

把酒對西山開船湖南浦數聲城上櫂幾點沙頭雨依回骨肉恩戚若去吾土
老人情懷惡含語不得吐官罷有孤蹤路難無定主勿愁魚化鐵且作鴻遵渚
朗咏白絲行行行忍羈旅

豐城縣北十里磯頭山上有曲江祠朱文公往還湖南時與李後湖姚

雪山遊此後人因奉粟主以祀三賢詳見李崆峒祠記中今以韋武陽

易後湖者訛也

贛江西南來天矯北走龍到此乃東折磯頭扼其衝是名曰曲江形勢險且雄
扁舟清夜詠倡自紫陽翁同時李與姚杖履偕遊從三賢列祀典蔚爲名教宗
世俗不好古變置靡所衷作詩糾繆誤兼以警盲聾

樟樹鎮

舊名清江鎮

瀟灘流下櫂歌聲一曲清江見底清老樹不知生意盡尙憑古社占村名

泥溪口枕上聞雁

陽鳥踰彭蠡飄飄尙南飛晨光若前導羣起泥江湄數聲枕上過傾耳漸入微
彼非我同羣安得相追隨我帆十二幅取用常半之何以不用全波濤怕欹危
下有無底竇旁有不測磯身乏雙羽翰爭先復奚爲汝往太急急吾行故遲遲
茲遊到嶺南諒亦難久羈歸時倘見待入春以爲期

峽江縣

舊曰周瑜據今爲小縣城踞高因峽勢隨地改江名潦縮漁添戶時清戍減兵

大都從此去彷彿蜀中行

雨中望玉笥山

水遠山平四百里兩崖斗拔滄江起舟人遙指三三峯

名山記玉笥有三十三峯亂插芙蓉

雨新洗仙家縹緲住仙壇不道人間路大難請看玉笥山南路漸近西江十八

灘

過桐江口不及訪同年李培園侍御以詩代柬

念昨別京華君方入臺端操持紀綱地正色不可干如何神武門亦挂惠文冠
早知世路隘不及山中寬自聞返谷村松竹為改觀築亭名補過於義恐未安
古來賢達流要視進退間我欲賦碩人為君歌考槃最哉承世澤名節初終完

螺山文丞相祠

千古興亡恨忠臣末運多死難扶少帝生不愧魏科慷慨憂時策崢嶸正氣歌
黃冠故鄉意廟貌在山阿

青原淨居寺七祖道場

錫泉一派接雷泉味是曹溪六祖禪欲識廬陵米貴賤憑師問取下江船

白沙渡

兩岸沙痕疑雪一村竹氣如煙風竿獵獵酒旆兩笠遙遙渡船

泰和城外望快閣

西昌漢古邑地勢實開拓鏡光十里平倒影見城郭浮圖南北峙雙秀拱一閣

緬彼白下宰流風宛如昨官清無俗情景勝擅傑作冰絃絕已久人境兩寂寞

除却謝元暉澄江何處著

澄江一道月分明山谷登快閣詩中句也世以比元暉澄江淨如練云

十八灘絕句

并序

按志自贛縣至萬安中有二百灘孟襄陽所謂贛石三百里是也然陳書

云贛水本二十四灘武帝發虔州水暴漲高數丈三百里巨石皆沒止存

十八灘耳世稱十八灘者當本此明嘉靖朝湛甘泉自南司馬告歸過此

作十八灘今得詩亦如之各取灘名中一字為韻非云相襲亦勞者自言

其情而已

習坎險在前何人不惶恐到此退已難應思急流勇

右惶恐灘

巨石浮牛背亭亭驚足翹入鷗羣不亂愛汝好風標

右標神灘

連日遇石郵溯洄良苦辛滔滔天下是不問久知津

右綿津灘

舟人買紙錢例拜灘頭廟來朝風順逆今夕誰能料

右大料灘

後灘接前灘川脉互縈繞人間爪牙毒爲害長在小

右小料灘

問言洵有神受命若酬酢借取方便風泥行免郭索

右武索灘

侵曉上曉灘我睡不覺曉向來坐有心憂患亦不少

右曉灘

萬里黃河水崑崙乃發源贛江源漸近應號小崑崙

右崑崙灘

虔吉此分疆灘聲一倍長人家盡柴步墟落半漁梁

右梁灘

雪少偏多雨朝昏水氣腥青洲洲畔草臘月已青青

右青洲灘

礪礪相摩盪驚濤盡日喧直同雷奮地不獨雨翻盆

右銅盆灘

大波深為淵小波淺成瀨安得并州刀剪此青羅帶

右落瀨灘

長年生狎水豈有不龜藥幸自少層冰可憐多赤脚

右狗脚灘

莊生工寓言率以小況大必若魏王壺人間能幾箇

右大壺灘

失勢落江湖中流賴一壺千金奚翅值人有不貲軀

右小壺灘

劍戟礪鋒銑森森兩旁吐狂瀾障不得為欠中流柱

右天柱灘

石欲截江斷江流奮怒前來如弓挽強去若箭釋弦

右橫弦灘

用盡灘師力今朝過驚灘我無牛酒犒愧爾報平安

右鼈灘

自贛州換船至南安

八境圖中路西來五換船鄉心同北望客況異南遷

東坡南遷時作
虔州八境圖詩秀嶺標雙

塔清流穩一川好風三百里計日指蠻天

過南安傷陳六謙太守

太息南安守居官僅二年如何千丈氣竟掩九重泉宦業孤孫盡書名一郡傳
經過少交舊回首極淒然

與大庾令李阜如同年

同年四開府百里獨棲鸞邑是衝煩邑官仍本分官
李舊宰別來顏各換此去

歲將闌珍重留行意猶餘舊眼看

度梅嶺題雲封寺壁

閱盡波濤險阻途頓教磽确失崎嶇梅花邃裏三關戍錫杖泉邊六祖孟過客
儘貪風日好居僧曾遇雪霜無他生行脚緣猶在又入騎驢度嶺圖

衣鉢亭

夜半傳來消息真本無明鏡自無塵問渠衣鉢留何用猶有焚衣毀鉢人
明魏莊渠

事

發南雄凌江方涸舟行一日纔十許里排悶成歌

凌江歸壑當深冬城隅纔可溝洫通麤砂細石單槽中直與船背相磨礮船頭
織纖船尾大舵師束手輸篙工篙工作力如巖熊腰身寸寸彎彊弓蟲行禪縫
蟻旋封跛羊登山鷁遇風人間癡鈍有若此歲聿云暮愁衰翁愁衰翁翁行作
歌歌未終羊城尙隔千里外一夜夢逐南征蓬

偶閱楊誠齋南海集途中多賦桃花且有梅花應恨我來遲之句余度
嶺正值梅放時戲效其體作一絕

我來時候異誠齋不見桃花只見梅博得口占詩一句千枝齊向臘前開

晚過始興江口再效誠齋體二首

始興江口水平川從此通流到海邊我是漁船釣竿手又攜蓑笠上樓船

昨喚吉安

漁船至贛今所坐乃廣州樓船按樓船之名見漢書今仍此名不必皆官舫也

一重山轉一重灣不出孤帆向背間行過前灣試東望夕陽多在隔溪山

冬暖

榕葉交陰筍出窠南中冬律似春和敝裘轉在猶嫌厚老研冰消可待呵蚊到

宵來飛不少蠅於秋後集還多所嗟無補桑榆晚奈此霜髯雪髯何

望韶石二首

西瞻蒼梧雲北望洞庭野浮光表震闕古樂傳奏雅 聖主不南巡羣峯赤如

赭魚龍久寂莫孰是聞韶者

好風自南來吹彼松竹林鏗然中音會中有太古心典樂者誰歟蕭韶此遺音
虞廷去我遠俯仰成古今

韶州風度樓

公進千秋錄開元極盛時知幾同列少去國一身遲終始全臣節安危動主思
高樓瞻畫像風度儼須眉

雨發韶州

蒲帆十幅去不停波光瑟瑟烟冥冥芙蓉驛南一回首三十六峯雲外青

虎頭磯歌

在太平關南十五里

亂山少肉谿乏泉渴虎下飲清泠川飢蛟掉尾不得取化而爲石形模全白章

黃質毛斑斑四蹄陷沙行不前
尻脰起伏脊蜿蜒當頭一眼射的圓
北平將軍身未到沒石飲羽誰所穿
眈眈下視流饒涎坐踞要津凡幾年
國家封域拓海塢山珍水錯來無邊
賈胡萬里逐貿遷到此躡躡羸豕然
畏虎欲避無由緣我思走章牋碧天
霹靂暫借雷公鞭仍驅爾輩入山去
毋令爲害于商船

十二月廿一日雪

我作冬暖詩蚊蠅憎瑣屑天公似解嘲
半夜風挾雪舟人報奇事起掃一篷白
客子亦欣然千岑無寸碧梅花落已盡
春事蚤狼籍長恐百卉腓陽機畢漏洩
却將栗烈氣摯斂使凝結乃知朝來寒
特爲桃李設豈無雷雨候候至方甲拆
留取道旁春明年作佳節

彈子磯阻風

曲江入海流一縷縈驚蛇中途彈子梗
格鬪逞角牙狂飈鼓狂瀾噴石作雪花
扁郎好身手過此不敢誇筮易遇涉川
利用需于沙南遊本無事汲汲奚爲耶
但使躁心平何憂前路賒止時吾泊宅
行處吾浮家

觀音巖

石縫何年裂中央架小龕老僧如燕子乞食語呢喃

英德道中雪霽

輕冰結沮洳飛霰集阜岡搏桑東南枝炯炯呈初陽地暖劇流濕天空淡浮光
英山碧差差英江綠泱泱不知夜來雪疑是朝來霜

英山二首

曾從畫法見鑿頭童巨餘蹤此地留漸入西南如噉蔗英州山又勝韶州
一拳一角總峯巒可惜天教落百蠻好事吳兒渾未識買園只鑿石公山

舟中即目

屋角菜花黃映籬橋邊柳色綠搖絲分明寒食江南路賸欠桃花三兩枝

順風挂帆連下瀆陽香爐清遠三峽

巴東三月昔聽愁嶠南三峽今則不北風晨發涇浦縣

英德舊名涇浦

吹我桂檝沙棠

舟峽中之山阻且修峽中之水平不流瀆陽畫屏地底拔大廟紫煙天際浮就

中清遠更秀出造化有意窮雕鏤青齒菖花萼競吐綠玻璃鏡奩初收華陽道
冠簪碧玉竺國寶髻垂珠旒仙人笙鶴雲渺渺帝子環珮風颺颺漸行漸遠似
相送一重一掩如相留片帆飛渡二百里又見孤塔迎船頭天憐此老太岑寂
賦以奇景須詩酬人間夷險非境造自我發興成清幽君不見東坡先生海南
句平生奇絕誇茲遊

清遠峽飛來寺

兩崖勢欲合中被江流穿上有佛者廬飛來自龍眠

梁普通中事詳載寺記中神人所施設

是物無頑堅想當劫闕初風雨驅神鞭鑿開渾沌竅巧貯聰明泉僧房若蜂房
一一皆倒懸爾來幾閱世不計草木年磐石具生機長根外包纏波濤潤其趾
日月行其巔散為松柏香聚作梅檀烟蔽虧東西景軒豁子午天呼援洞名在半
空日暮躋無緣清寒難久住仍放出峽船

胥口村

玉鏡臺何處江形就海低

地有玉鏡臺相傳安期故蹟

地平山斷續潮滿岸東西生理漁樵

足人家竹樹齊天涯各風俗孤客自淒迷

白塔岡浮石

萬古江心石回江使倒流潮頭爭出沒山骨判沉浮

按志白塔岡在三水縣東南臨水水中有石浮沉各

一 鵝鴨寒來集黿鼉夜出游漁翁牽小網故故傍沙頭

沙口待潮

艇子膠沙觜坳堂等置杯何須愁日暮會有夜潮來

初至廣州與大中丞修陶菴同年話舊

六首

五年一別隔蓬萊芳訊遙傳庾嶺梅天上故人開府出田間野老輟耕來山高

海闊梯航路武達文通將相才竊喜小詩言果驗濟時餘力正恢恢

余出都時留別詩云

君才畢竟為時用故落句及之

雙闕浮光氣象新

雙闕浮光照短亭東坡題盡善亭句也

天教八座代

南巡誰能地望兼門望

君本親臣又世臣行處風霜成化雨坐看冰雪變陽春眼前袞袞皆時彥可有

同心共事人

端倪軒豁得奇觀浴日亭邊眼界寬兩袖有風驅瘴癘百蠻無警靜波瀾封疆
自昔雄茲土科目人今重此官見說密章時入奏葵心何處不輸丹

恩深自覺心逾小才大何妨氣獨豪節鉞威名行地遠文章壇坫比官高中郎

題字推黃絹太白分光屬彩毫莫吟將貽無俗物一條冰是舊同曹時以耿絹湖筆奉贈

詞人例作嶺南遊自嘆蹉跎到白頭浪跡又看成萬里著書何敢望千秋誰爲

善相肥嫌瘦世有知音唱或酬輸爾滕王高閣句一時唵徧十三州中丞過南昌有試上

滕王高閣望章江門外有清流之句爲西江傳誦

敢將孤鶴齒羣鴻性癖終難與俗同天下迂儒猶賸我平生知己孰逾公會陪
供奉雲霄上每憶交親氣概中今日相逢重戴笠下車還見古人風

寓居仙湖街庭桂盛放

客居澹無事庭下獨徘徊忽有微風度香從何處來家童走相報檐角桂花開
想到窳軒外此時方試梅

除夕

